

程

傳經堂集序

辛丑季秋之朔予過塘西訪卓子火傳登其堂
棟牖軒廠圖書充四列旣已仰世德之光輝及
與火傳上下千載賞奇晰義留連不忍別去迄
今已十載予復歷青齊以近止白下時杜門偃
息過客之履罕至而火傳從越水掛帆徑渡青
谿顧予窮巷中慰之以詩樽酒縱談相得歡甚
因出傳經堂集一編見示蓋火傳曾大父入齋

先生以及大父蓮旬先生父蓋淵先生累葉纘承盛名不替火傳建祠以祀三世因本入齋先生之意以名其堂而一時賢士大夫相與詠歌誌述以揚其盛者也予讀之因嘆才美之在天地間如不世環寶恆靳秘不輕畀人而未有獨鍾偏授盡傾其藏以縱發一門如卓氏之盛者以予歷觀前古數世冠冕蟬聯接踵者代有其族而求其相繼以文章顯遂已寥寥其間惟扶

風父子眉山兩代號爲彰著卽後人猶有風流餘韻而聲名亦漸歇微矣今自入齋先生三世相傳以來已爲近代罕傳而猶有火傳之蒸風軼出火傳令嗣永瞻次厚之英才邁衆五世綿延並以才子後先輝映固古今所未有宜海內文章之傑爭爲稱道而撰著光琬琰也且堂以傳經名經自三古以來迄于今日恆數千年其間作者不一家述者不一姓由京王馬鄭朱陸

胡蔡諸先生以上符義文周孔史臣記載賢人君子之懷思固非一氏之所能竟其緒百有餘年之所能盡其傳然大道日在人心如水之常盈以聽掘者之能通挹者之能取泉者自泉澤者自澤而一與江河相流注故自聖人賢人以及漢宋諸儒數千年之推明絜之一堂授受而非曠自火傳父子祖孫百數十年之紹繼放之往古來今而非可以近域也卽以集中諸作而

論固皆海內英絕大約學不同師屈非一壤而聞傳經之旨固皆深思而樂道之而後來之述進者正未有艾也不可徵經教之在人心而感通之爲甚捷也哉雖然六經之義宏通而說經者常失之鄙固惟入齋先生湛深經術以啟後人而蓮旬先生統滙衆流妙達機用豪宕自喜縱橫文雅之林昔嘗修社秦淮至今傳爲盛事著有漉籬集人爭誦述之蓋淵先生早年英俊

所著蟾臺葑淵諸書離奇浩博一字不落塵垢
使起三先生于今日與火傳喬梓共集一堂宏
宣聖訓必有如匡鼎之說詩解頤管公明之善
易不言易者夫豈迂謹之儒泥章句而流于庸
陋者所可同年語哉此又吾與諸君子共明斯
義者若夫文辭之宏富歌詠之旨雅終非予贊
美之所能盡也

豫儀周亮工櫟園撰於恕老堂

傳經堂集序

卓氏自侍郎忠貞公而後傳至入齋蓮旬葑淵
三先生世以經術文辭名於天下又今火傳及
子允域允基並能世其家學火傳於是卽其塘
西里第建三先生之祠又爲堂以藏遺書歲時
伏臘率其子弟俎豆絃誦於其中則本入齋先
生之意名其堂曰傳經而四方之士先後交於
卓氏者各爲詩歌古文辭以紀其盛火傳亦樂

爲表章其先世之遺烈久而益喜其多允域之
來京師士大夫之能文章者又未嘗不有贈焉
所謂傳經堂集者也余讀而嘆曰嗟乎此可以
知卓氏之名於天下與其所以能世守之者矣
夫六經之道至大卽士君子之所先務言之忠
臣之所以事其君孝子之所以事其親其窮天
地亘古今而不可易者固莫著於經矣當漢七
國之未亂鼂錯獨攘臂慷慨說景帝以削弱諸
侯之術卒之朝衣東市而君子竊悲其忠忠貞
公在明建文朝先事策燕邸之變請徙封南昌
而陰奪其兵柄其事與錯無異惟錯之說先見
信用及其旣也七國敗而錯死於讒忠貞之說
不見納而文皇帝之大業以成公亦竟以忠死
成敗雖殊二君子之奮不顧身以爲國家一也
余頗嘗疑天之報施忠臣若卓之子孫多著而
錯至於族滅亦獨何哉漢之初年當秦焚詩書

之後文帝始語太常掌故錯就伏生處所壁藏
尚書則錯者豈非經術絕續之所關宜其終身
以之者乎及觀其上書言皇太子則所急者曰
知術數迹其平生所欲施用本申商隋刻之學
受之張恢生者是也是錯之死死於權智而於
經術且不啻以身叛之何論無後乎忠貞公竭
誠盡慮防變未形而臨難赴義一歸於至正而
不可易至其子孫伏匿江湖間二百年而代有

聞人若今所見者豈非忠孝之澤根深而源遠
故不同於申商術數之流而其繼世相承涓涓
不絕以講求於經術當不自入齋公始爲之子
孫者拜三先生之祠而讀其遺書觀所以名其
堂之意而益求乎六經之道所謂窮天地亘古
今而不可易者以推本於忠貞將孝子之事其
親與啟其後人其道亦莫大於是苟志是也雖
白首不足以究其業而於區區乞當世之一言

以表章其先烈抑亦未矣且吾懼其無暇也因
進允域而勉之并寄吾友火傳當不以吾言爲
河漢耳

崑山徐乾學健庵撰

傳經堂集

古樂府

德清 蔡啟傳 崑陽

瞻彼鄴隅在茗之陽黃鶴封禺載飛載翔菰蒲維秀
橘柚其芳崇山峩峩帶水湯湯篤生碩人邦家之光
一碩人篤生克踐厥美淵淵經笥世所仰止陵谷有
傾榱桷勿圯孝思既申忠胤肇紀翼翼堂基松栢是

比二
解

錢唐 金 張 介山

異端克斥百氏繁興翳惟六經炳如日星又如四時

有物有恒解一立誠修詞精義入神神而明之萬古常

新抱殘守闕乃在其人解二無人統散無人統亂周情

孔思似續似斷苟非尊經長夜不旦解三黃金滿籥不

如一經疇為是言尚有典型解四永作家塾以勵邦俗

生聖人後僉云私淑解五傳我孫子言念肯堂十年十

世文字之祥解六

傳經堂集

五言古對星交當對一水殊流江寧紀映鍾伯紫

我年未六十交君及四世昔見蓮公才掣電掃昏窳

雄藻廢千人空心叅半偈葑淵軼羣出靈根矜宿慧

穿天透月心鑿波混沌洩舊京當承平五陵裘馬麗

種花桃葉津來往烟波柁騁抱肆無前弔古一流涕

蚤弧走英傑馬隊叱輿隸蓮公既父執葑淵亦昆弟

鼎鼎川岳心蔚蔚雲霞製樽酒話中期要同天壤儼

鼎鼎川岳心蔚蔚雲霞製樽酒話中期要同天壤儼

鼎鼎川岳心蔚蔚雲霞製樽酒話中期要同天壤儼

傳集 卷二
遂聞火傳子襁褓異顧睨整翮當烟霄吐辭薄蘭蕙
晚續吳越遊始接紀羣契冥啗列星騎生表栢舟誓
此事復六載年華流水逝白首黃金臺彳亍秋風厲
翩翩鄭當時當時所交皆王父輩更講忘年系齒少骨方老歲
寒情不替變移陳檜風剽奪曹劉勢偉矜屬樵漁素
裹飯麤糲君家多異人忠貞及才叡俎豆名山聯九
鼎鴻文繫峩峩傳經堂如君真可繼涼飈七夕過告
我將分袂雙星夜當樓一水秋無際緬思四十年恍
惚夢與嚙衰年感哀樂多病寡淵詣寥寥眼中人前

賢願相勵

嘉善 魏學渠 子存

吳山何崔嵬茗水秀千曲廻環多名勝間氣鍾河嶽
降申大川旁芳草萋以綠碩儒相接踵藻鑑辨清濁
祖武肇淵源名理傳家學鄴架饒遺經堂構森林鬱
燃藜寶閣光歌聲出金玉魏唐衣帶水蘭渚通靈澳
扁舟時過從杯酒傾醺醑詩筒每見郵疑義恣往復
奕葉修世好先緒慶纂續綢繆道義言古懽以相勗
美璞蘊山輝鳳雛方高矚側聞振雅風瑤華炫心目

南望傳經堂，遠道歎綿邈。

松江 計南陽 子山

茗水貫通川，環巒足烟霧。清流何蜿蜒，芳塘自迴互。
殷闐闐，闐闐古磴得修路。中有先賢宅，俎豆歲已屢。
蘭堂飭芬芳，辛檫庇風雨。蕭散嵇公林，杳藹謝莊圃。
崇閣時一新，穿池或如故。西瞻黃鶴磯，東眺封禺樹。
筮屐資勝遊，縹緗贍文庫。孫謀遠必臧，祖風緬堪溯。
不有塗墍功，誰識考槃趣。景行惟高深，百里增遐慕。

蘇州 繆彤 歌起

塘西佳山水，通德表門閭。中有三高祠，谿橋竹木疎。
忠貞一綫在，丹青擅嘉譽。立孤貽累葉，眷言帶經鋤。
黃鐘振大雅，一洗淫蕩虛。迄今儼堂構，奇字寶瓊琚。
浮名豈足累，仰眎永嘉初。後生稟風規，迢迢阻直廬。
瓣香薦令德，寄云慰索居。緬茲淵明柳，述祖勿躊躇。
余與火傳年，兄訂交廿年。與之別者，又十有年。所
矣，其間排解契濶，誼感心脾。它人不能知也。丁未
夏日，余方旅食京師，恹恹無聊，火傳之長公永瞻

太倉 周迺吉 子俶

叩扉枉訪其才調風格居然火傳也因出吳興太守為作傳經堂記及諸君子諸篇屬余題其後且曰此火傳所命也嗟乎三先生之徽躅山高水長天下後世孰不知者余既聞茲堂落成恨未即擔簦一拜摩挲遺籍慨然不能去顧泚筆構思將厠名以為光寵文已及半適疢虐經月動輒煩悶而永瞻遄返又無以塞其意口占三什率爾成穢歸語火傳幸為余焚却它日必補綴以贖息壤可也塘西果要會環控茗雪湄魚塩眩早市橘柚紛離披甲第何足數中有三高祠雙虹導宛轉谿水澹鬚眉竹木羅羅踈清風激骨肌堂構固儼若借問肯者誰父子步芳躅蘭蓀復華滋康成及元同一經永在茲厨俊傾天下憶昔全盛時

二

德言古所重何必立功死奇文走天地隔代滿眾耳况有醴源接吐棄青與紫菁華貽六經鏗鏘豈在紙桓榮鮮安車師資閔槐市迄今一登堂興起後君子

三

先賢俎豆在火傳尤突兀少年負奇氣飛文笑王勃
運樵碎副車中更受磨蝎慈諱一歸來述祖蠹碑碣
有子曰永瞻翩翩詣京闕焜燿珊瑚枝徘徊桑乾月
名利奚與論單懷表先哲忽然祓園圖投贈縑若雪
迺是蓮旬公手澤未漫滅至孝動神鬼精爽五世徹
延津喻雙龍茲理真奇絕

長興吳光

瀾瀾青茗水千折赴巨壑羣山從南來翩如舞黃鶴
不有儁人興顛氣狃迴薄峩峩三先生肯構仍塗墍

論闢二氏黠詰閔百家鑿道大鬱輪困數奇傷屈蘓
白首抱遺文空谷茲焉託至今著書處清潭照崇楠
菱荷影凌亂蒲葵紛嫋嫋長松遶深飈逸韻響笙鐃
升霤窺蚪簡茫然悔曩昨六籍雖云誦毋乃猶糟粕
是當獻天子宿儒進讐酌下其書澤宮世尊卓氏
學北斗者韓子衆宿但歷落斯堂川中央千載亘莽
廓

江寧張揔僧持

繫昔聞卓公武林讓牛耳風雅激騷壇祖德輝閭里

金陵稱舊京舟車愛臨此邇時文物勝六朝蘊流美
公結螺髻峰禪觀豎標旨先君忝同游遐哉邈難紀
嗣聞葢淵公聲光繼軒起逸才絕等倫遺編載華史
哲人惟火傳又見佳公子五代各世家蔚然川嶽峙
範圍本六經中央砥波靡崇祀有高堂春秋肅簠簋
傳經端在人詠歌深仰止

黃岡釋本書天岳

大道昧中古哲人逝何早靈運述祖德千秋光四表
我來恣盤遊一丘經始好并以野原外收日人烟杪
天隔大河西日月淡昏曉君豈迷邦人慨歎獨懷寶
橫經濟全濁弦歌攬幽眇能不重清晨握手拏芳草

江都汪楫每大

扶風并大春京兆揚子行何如錢塘卓五世皆有聲
風流擅江表文采冠時英借問胡能爾門內有傳經
邈哉塘西水終古冷冷清祠宇相掩映蒼翠如逢迎
登堂展遺帙安用金滿籬

伊余垂髫時避亂西泠路兵戈日滿眼湖山阻跬步

傳經堂集 卷一
空懷蕞淵公不識傳經處世事稍迴換毛髮半欲素
側聞賢子孫各各頭角露知名不厭早結交不厭暮
青鸞與白鵠見面歡如故

遜國盛奇節難爲骨肉親吾慕卓侍郎建議獨不羣
北平不徒封曲突不徒薪言出天地動詎獨驚紫宸
至今祀典在遺廟時復新青青秣陵山鬢鬢西湖雲
忠孝經之本章句徒紛紛

山陽 胡從中 天傲

肅登卓氏堂歛戢瞻宦與煌煌典文備隱約天章耀
護之以神靈祖禰下臨炤恒物修在茲坊表綿有道
居然棖桷嚴丹楹列敬孝菑川起微灰濟南陳眇妙
胡母與轅固孟戴繼讎較昔賢滿四座網維倫紀要
絮彼俎豆馨骨肉篤嗜好森森塘西水百代流風教

睢寧 李枝翹 條侯

十載厭風塵馳驅京洛道每憶故人歡慷慨縈懷抱
遙企多阻修雲山迷遠眺令器翩翩來雙魚躍萍蔕
握手前致詞英姿抗雲表洵知西園幽高閣凌風矯

修篁含紫茸錦鱗戲碧沼圖書帶縹緗南面擁城堡
烟霞滯經綸浮沉豈終老夏麓饒陰森恍惚遊蓬島
堂構多古懷立言存世寶嗟我方躑躅素絲違時好
整綏駕柴車淮甸尋芳草

如臯
冒丹書
青若

我生吳越間迢迢阻江水武林積蒼翠西湖廻清泚
八月弄秋潮茗雪採蘭芷山水多奇觀人物更斐亶
望遠中懷紆曠遊思未已追憶稚齒時浮家在樵李
忽復廿年餘歲月疾如駛久傾沈約名未造吳均里

君家實參華美烈忠貞始盛世繼名儒芳華襲詩禮
塘西深桑麻長橋密葭葦松栢蔭岡岑竹樹高層壘
卓公聲譽高坐卧窮經史巍然傳經堂千秋美無比
孝行光前徽儒風敦後起義獻共增華覽舉競追擬
雄才莫與齊勝地無如此清秋客燕京傾蓋識君子
陸生玄圃輝薛氏南金美相見結綢繆尊酒各欣喜
再誦吳公文芳風增縉旨令名比右軍文筆真堪紀
願作菰城遊高山徒仰止聞君返江南余復滯燕市
送君難爲情瓊樹遙相視何日拜君堂惆悵秋風裏

上元 蔡歷 龍文

我登清涼臺日夕弔餘古蒼蒼雲山深蕩蕩長江俯
名利羅青巖高踪遁林圃側聞螺髻庵荒祠遶環堵
中有名世人千春輝冊府孤忠貽遠澤餘慶傳芳矩
蓮旬種異芬葢淵流清宇高名集火傳喬梓欣接武
貽經武塘西三世崇廊廡廟貌及心傳朗朗道風午
傳經名妙堂橋西沐秋雨幾時挈短棹一拜欽宗主

海寧 朱嘉徵 止谿

尺壁辭岍枯美珠有潤淵尋源合浦接選地峯陽連

高山信可仰未若景行先黃金雖滿籠未若一經傳
傳經自何代懷古心睠然睠然起長嘆傳人未易前
金鏡先秦代珠囊出漢年伏生破孔壁授經亦蟬聯
雲初十六世腹笥何便便新莽繼秦焰絃誦若不延
猗歟栢春卿抱書山谷間閉門而講讀遂會東都焉
榮公稽古力車服得重妍我興謁西水祠宇清且嚴
堂構何肅穆傳經世所宜匪曰守師說五世家學兼
憶昔侍郎公風義何翩翩左右孺子王吳淠遷于燕
屈突徙其薪早智計百全吾謀適不用濟師下金川

傳經堂集 卷一
從容赴國難覆卵巢亦捐匿孤藏李燮遂有一經沿
入齋人倫選鑿柱求書還孫謀詒蓮旬絳帳清涼山
亦越蓋淵子原道有遺編膝前擁文若奮筆凌雲烟
元方竝季方奕奕稱大賢詞賦弘二京清德來三鱣
玩世金馬客瑤華何嬋娟儒林應有記聊寓于斯篇

上元丁 灝 勗庵

六經如日星聖學昭大備秦政烈焰張淑言未墜地
孔壁禁網弛漢儒闡精義七業晉劉殷前徽莫與企
歷遠至宋明參考互同異經以得解傳亦因解所蔽
不絕如縷然識者感慨係卓氏三先生濟美弘鼓吹
探頤入奧堂發蒙剖中秘博綜摭舊聞豈獨收所棄
鴻文垂世則品題藉評次羔雁充庭閭艸玄問奇字
火傳起中葉騷壇樹赤幟爲闢傳經堂四方觀者喟
令嗣蜚英聲重光繼先志塘西一水間雲興與霞蔚
常念喪亂後戎馬戕甲第王謝烏衣儔不復詩書事
負薪時行歌優孟寓俳戲孰若五世昌一門英淑萃
方之韋玄成今昔應不媿

平湖陸 埜 我謀

浙西有卓氏奕代名臣裔忠貞建遠猷泄泄不時計
一旦國步傾慷慨以身誓峻節冠古今餘風賴後繼
經學探淵源三世擅高第儒術在躬修豈因功名際
忠孝本一致顯晦寧異詣祖武不易繩孫謀已勿替
吾友敦孝思建祠崇時祭登堂瞻几筵再拜肅衣袂
松栢挺高枝芝蘭繞庭砌琴瑟無近響圖書多古制
君身既深隱令子復高戾一經傳五葉當世誰能儷
西京重三禮三載得所契家學既以永綿綿固帶礪
山陰 駱復旦 叔夜
我昔交卓子君年未三十奇氣橫九州英聲誇俊及
寧肯守一經懷才終抱膝驅馳四十年交遊何翕習
誤一中副車翻然若自失歸求之六經先賢有遺則
况昔奉詔謀邁征敢自逸涕泣抱成書因之爲考室
羣方識士宗皎然如星日漢韋與唐蘓才名長嶽嶽
媿予忝敦盤皇然思負笈

休寧汪森 晉賢

經學在天壤炳如日星懸偏全隨異用所貴人能傳
塘西起忠貞卓氏多名賢在昔侍郎公一言見幾先

良謀造不用坐使三辰偏勁草當疾風寸心金石堅
孤忠天所祐遺蔭猶能延浙西偶避地奕葉方綿綿
高深蘊蒼秀佳麗鍾山川峩峩三先生世濟才名聯
入齋通經彥腹笥何便便蓮旬曠心目倜儻當無前
揆天富文藻接踵稱葢淵同堂美三世光耀衝雲烟
如何廟廊器復此輕棄捐投珠與抵璧聞者心生憐
至今遺經在絲竹聲相宣流風裕厥後家學斯能專
賢豪千里至海內若比肩爭稱亮庵名金玉同雕鐫
孝思良不匱祠宇崇豆籩桐孫擢高枝鳳羽何翩翩

季方擅逸步雲路將騰騫馳聲翰墨場琢句春花妍
梧谿遶邂逅執手情依然吾聞古修士好學誠拳拳
殫心會千載兀兀恒窮年窮經貴致用今古咸貫穿
上思致唐虞民物歸陶甄下期殷周治四海無顛連
一心運毫芒大化宏八埏通經建實事豈獸求言詮
彼哉章句儒瑣細成拘牽君家務通敏與古相周旋
詞章固餘技經術求其全狂瀾障底柱洙泗探原泉
庶幾顯家學奏對天人篇忠貞有遺緒奮起何疑焉
虎林鬱蒼蒼茗水流涓涓傳經承勿墜終古留青編

無幾饒家學，奏捷天人驚。忠貞許豈南，雷也
 晴章固翁好，登泚來其全。玉闕朝風林，未
 如黃章以，論贊略如林。率吾家，終風與古
 一，心數亭芋大，外安人。與風絲，我實事豈
 上思，姪惠真只，此誰固。雖不，賦與風，命四
 戰心會，千輝天。下，則策辛，策登貴。廷以，令古
 卦，爻靈靈，或時手，謝刃然。吾問古，新士汝學
 季，入鬱歎，悲雲。望深，亂窻。蠟，翠飾。黑，真
 春，其取

傳經堂集

五言古

宛平王崇簡敬齋

憶君冰雪姿，少小饒文采。年齒未壯盛，登壇已廿載。
 握語京雒中，雄才大於海。萍踪嘆飄忽，躊躇豈有待。
 邂逅遇小友，詢君樂不改。跂足擬羲皇，蹙揖山中宰。
 鐘鳴會有期，彈冠時自在。纘緒溯淵源，刈莠存蘭蒞。
 尚論述祖德，調羹誌鼎鼐。何日登君堂，析疑聞妙解。

溧陽宋之繩 其武

傳經堂集 卷一
花砌帶奇峯，夾徑生蘭芷。悠悠亭榭間，豈卽在山水。
滿堂君子風，半壁烟雲起。鳳穴無凡雛，喜復見蕪子。
幽鳥鳴空池，吾心何能已。

崑山馬鳴鑿 殿聞

經學久撝蕪，誰與闡六藝。卓氏傳六經，淵源乃數世。
侍郎炳忠節，赫赫賈晁儷。我友述祖德，研經美能濟。
卓犖三先生，西水祀弗替。議畱白虎觀，文耀青藜製。
孫枝多秀發，才駕潘陸麗。山堂信幽深，棲川何容裔。
日月照詞源，篇章掃幽曠。余本魚蠹流，永日荆扉閉。
編紵三十春，文醺稱兄弟。辦香登君堂，共結雲霞契。
日晏但論文，棲遲小山桂。

崑山徐與喬 揚貢

束髮受經義，掩卷思傳人。綿邈千載下，周孔孰嗣真。
諸儒紛漢宋，元明澤尙新。倬彼火傳子，篤生茗之濔。
守先且待後，辦香三世親。云自忠貞公，取義亦成仁。
入齋扶名教，紛紛擬大春。闢揚先代言，士林推蓮旬。
蕪淵世厥修，幸復鮮蕪榛。下士崇世祿，籛金誇朋賓。
何如談經子，紹聞意自醇。西京大小戴，曲臺繼諮詢。

傳經生集 卷二
燃藜起高閣、奕葉迺蓊蓊、卓氏能道古文、孫燦積薪、
堂構十三經、遺文炯未湮、跂予望斯堂、祖德猶瑠璣、

德清 胡會恩 孟縉

古人重經術、忠孝爲本根、扶陽紹詩禮、籛金安足論、
偉哉褒德裔、駿烈揚清門、侍郎仕遜國、徙薪有片言、
金川擣勁卒、碧血膏荒原、青青蔣山墓、浩氣扶英魂、
皇穹終祐善、一綫畱後昆、三世挺儒宗、六籍窮淵源、
蝌文綴汗簡、鳳德栖丘樊、緬維蓋淵公、盛名等璵璠、
先人締風雨、臭味聯蒹菼、迄今兩家後、車笠情好敦、

每過傳經堂、髣髴斯人存、祠宇臨交衢、丹青煥繚垣、
往來致辨香、冠蓋聚華軒、共嘆闕闕家、箕裘屬文孫、
况我懷舊執、典型尤所尊、載拜觀俎豆、盥手薦溪鱸、
臯亭自崔巍、霽水長潺湲、文章與風節、千秋期勿諼、

江都 鄭熙績 懋嘉

余聞茗霽間、篤生多奇士、勝績賴人傳、匪獨藉山水、
中有卓氏祠、俎豆三君子、祀典溯淵源、遜國忠貞始、
憂時早建言、南昌請封徙、堪嗟國步移、抗節金陵市、
後裔遜于荒、薄視青與紫、名儒相繼興、獵微繙書史、

考訂惟六經百家皆糠粃四世有文孫詞壇執牛耳
奪幟振西陵八代文章起朝野願識荆賓朋爭御李
令嗣余石交蘭譜聲相倚示余冰雪文清言更如綺
五世接薪傳近今洵莫比義獻未可方談經差足擬
賢母嗣徽音節孝旌珂里徵言徧四方孝思真無已
未獲登公堂溯洄徒仰止何年鼓楫遊瞻拜願為紀

武康 陳之羣 與公

兩儀兀崢嶸六經大招揭長嘯盱古今傳人目淪沒
緬懷西水陽一柱砥溟渤桓桓忠貞裔入齋獨間出

蓮旬與葢淵先後勤作述吾公名世才天挺恣超拔
求友慕游夏許身比稷契窮經期探道章句非所屑
河洛天人秘典謨帝王烈四始配樂章三禮辨等列
倬彼魯史文筆削聖人律爰迨四子書於昭懸日月
云何漢宋儒疏詁紛膠葛貫串十萬卷同異皎區別
經神遜該通經笥枉甲乙邈然曠代後乃有聞知質
以茲悟讀書非為干祿設養志惟古歡懷清匪守拙
尚憂六合間異學互克斥誓傾江河流蕩滌出滌涅
顧瞻先型在提命猶髣髴慨焉作寢廟似續念明發

傳經堂集
峩峩數仞墻楹棟森峭嶮嘉木蔭庭除華滋吐若鬱
前堂列木主俎豆芬明潔後榮陳遺綸栢棧在簡帙
高榜題傳經顧名義自察象賢有二難文采更宏達
五世擅經師桓榮讓人傑遂令天下士聞風競趨謁
徘徊堂構間再拜慰飢渴或以高文贈丹青照碑碣
或以咏歌投金石相摩戛齊心同頌禱向往素志豁
羣也藪澤人慕道夙所切屈指海內賢惟公嘆殊絕
海岳自高深豈收潦與埤咫尺逢景行未忍成契濶
竭來窺門墻捫心生戰栗不謂管葛儔洛瀾復同轍

傳經堂集

七言古

常熟 錢朝鼎 黍谷

我昔驅車越江潒越江之水何漣漪吳山轟轟峙其
右山水光華產英奇爾時卓子方舞象瑤環瑜珥驚
人姿舉筆解賦滕王閣摛詞便壓幼婦碑衆中一見
遙相賞此子不啻高尊彝別來忽忽已十載世事無
心沉宦海謠詠明珠謗不辭閉門決意甘耜耒今春
偶復來長安卓子生歌行路難頎然玉立稱丈夫少

傳經堂集
壯倏爾雙眼看袖中逡巡挾書冊云是傳經有舊宅
三世高風世所稀太丘名德玄成澤湖州太守能文
章一一作記好手筆嗚呼卓家世德不易述天生侍
郎志社稷遜國忠臣識最先至今原草血猶碧蓋淵
先生祖若父俱能肆學明經術忠孝詩書三百年復
覩文孫能象賢一經不隳肯堂構茲事直令千古傳
我本東西南北人芒鞋竹杖常隨身歸買扁舟五湖
上坐聽南屏流水聲道經通濟橋邊去摳衣一識傳

經處

蘇州
宋德宜

癸巳春余游湖上獲交卓子火傳文酒周旋甚相
得也自余匏繫都門火傳高栖西水音問寥濶十
餘年矣今丁未夏令子永瞻游京師持火傳尺素
登余堂相見讀其紀游投贈諸詩挹其言論風采
深慶火傳有子且喜如對火傳也亡何永瞻賦歸
出其傳經堂記徵言於余余與火傳交已兩世不
敢以不敏辭因追憶其先世名德之盛而繫之以
詩

傳經之堂在何許。萃書之東百餘里。湖深魚肥號鄴水。南泝錢塘近六橋。北窮吳會接江湖。臨流北築虹梁側。堂構森沉攤卷帙。庭前花石擬林巒。閣外帆檣隨照入。三世風流今在茲。翼子文孫繼所思。不見堂前登眺處。封禺山色只依稀。

新城 王士禛 西樵

我聞君之遠祖。侍郎寶香夜虎。何昂藏籌策非徒過。鼉錯忠貞直。齊首陽下逮入齋。凡幾葉學探濂洛。窮微茫蓮旬。芷淵繼踵起穿新穴。異改文章試磨

奩鏡照西子。平關勁弩凌錢王。君之父子又如此。胷蟠墳索盈縹緗。君家合有傳經堂。昨持堂記索長句。僕也流寓懷佺佺。艤舟堅待辭不可。使我無計藏僮荒。心念各堂亦太好。所喜不獨貽謀良。今世文章競鞏悅。頗拾瑣細遺弘綱。漢疏宋注半茫昧。何者公穀及駢商。唯彼六經實根本。故訓爲徑兼爲常。失之餘者盡枝葉。雕龍刻鵠胡能減。君家獨有傳經堂。橫流庶藉爲堤防。記此堂者吳太守。詳及池榭還堦廊。憶昔遙題相於閣。乙巳歲予客湖上火傳以閣額屬書此閣乃在堂之旁。

傳經堂集
卷之三
虎林還舟疾飛鳥望衡未得成
褰裳君歸寄語向尊甫情隨茗
雲烟波長

新城王士禎
阮亭

中原喪亂連天崇鑿蹄驕馬嘶江東
昭陵玉匣出隧道鴻都秘策飛秋蓬
小作騰囊大帷蓋石碑三體皆磨礪
解經無復戴侍中說易亦少能陽鴻
卓家世德不可紀侍郎體國真公忠
巢傾卵破悔不早曲突徙薪誰謂功
革除事往三百載至今化碧干長虹
聞孫抱經隱茗雲千秋人識梁丘宗
明堂清廟列球貝深山大澤藏蛇龍
我慕蓋淵生苦晚晚及孫子相追從
雄才能慮五石瓠大力欲挽千鈞弓
桓榮稽古累數世郎君人地將無同
昭氏鼓琴有妙理誰云但以文綸終
至尊通經過漢代會開東觀臨三雍
白虎諸儒考同異如縣大簾鏗洪鐘
郎君攝衣作都講雅歌殿上何雍容
野夫窮經不得力坐使尹季傷瘖聾
他年登堂問章句五湖帆影隨樵風

潁川劉體仁
公勇

吾家臨清潁水色爭瀟湘積書供饌待學者離居每

恨青天長京塵朱矇逢卓子披圖理詠高雲涼忠孝
風流在天地山水仍留傳經堂千里求友胡琴碎慧
業宿世能文章於今風雅多壇坫辭必已出君寂良
不如歸去烟霞表釣竿書籠青精香吾亦浮家歌筭
笠往來茗雪同相羊

歙縣

吳雯清

方漣

劉向傳經光閎閎夏侯奕葉稱同轍何如卓氏篤忠
貞氣貫長虹星日烈雲仍忠孝嗣詩書寓內文聲推
特絕傳說橋西舊草堂入齋荃蒞振餘芳公家子孫
相繼美蓮句葢淵俱琳琅薪薪聯接發長醜火傳厚
積流天光傳經重闢猶遺址竹栢森羅懷仰止永瞻
英邁且髻華千里渥注靈奮駛清霜紫電夙慧具學
海文河天縱子堂綿五襪六經尊袍笏忠靈儼若存
祖德應將百世宥一代龍門何足論

歸安

嚴我斯

存庵

憶湖上別火傳門年兄垂二十年矣明月屋梁時
見顏色壬子夏令嗣永瞻來晤長安邸舍以一札
并傳經堂詩文一卷相貽捧讀之餘率成長句用

志景仰兼以寄年來離索之思也

吾友火傳天下士少年磊落聲名起君方弱冠我成
童結交共指茗溪水別來荏苒二十年頭顱蕭瑟已
如此予方高卧長安廬有客叩門迎倒屣頎然拱揖
向我前知是君家丈夫子袖中攜來雙鯉魚復持一
卷冰雪書長跪開書讀且羨羨君世德高門閭君家
侍郎垂遺烈英謀毅魄真人傑厥後播遷家西吳相
傳數世多賢哲入齋蓮甸名巨儒高風獨行人追趨
蟾臺蒞淵大文舒光芒萬丈照寰區偉哉卓氏三先
生風流不愧漢西京前有韋孟及元成箕裘累葉何
崢嶸吾友讀書懷先澤歲時俎豆羹墻接此堂巋然
號傳經遺書萬卷留講席我曾扁舟過塘西古垣松
栢晝淒迷臯亭山色環蒼翠兩溪之水清無際上有
園林氣鬱葱流連太息追高蹤嗚呼人生不識名教
樂六經往往成糟粕浮名富貴安所爲傳經之名良
可思看君名山圖不朽令子才華亦無偶安得拂衣
登此堂彈琴坐嘯共徜徉高山流水永相望

松江

朱在鎬

周望

七古

傳經室集
慶曆以來鳴大雅虎林往往多儒者獨行惟知樂澗
槃一經豈羨陳車馬山水蜿蜒挺異人卓氏三君稱
絕倫經明行修非一世懷文抱質共芳塵就中入齋
表物始蓮旬鵲起能續似學古有獲日昌明蘊微彌
曠無纖滓蒞淵先生名寂高天然拔得何逍遙奇懷
久已錢無論大筆真堪僕命騷奕葉青箱如腹笥守
先承學絕敲訛判斷儒釋分毫釐掎繫朱陸辨同異
豁然解釋已從心煥若昭回未墜地樵牧咸知講德
堂雲初恪守傳家義邴原抗志輕鄭玄經師易遇人
師難立卓自超象數上斯文豈賴虫魚編乃知經待
人傳良有以說經鏗鏗亦徒爾相期他日一登堂聊
復短歌識仰止

三原孫枝蔚

豹人

戴憑奪席五十餘魯丕相趙榮何如玄成父子歷顯
位何用黃金誇里閭百氏繁興聖學衰遂令大路成
榛蕪帖括之外無家學風俗如茲良可吁卓氏祠堂
長橋里四時祭祀兼讀書作詩往往述祖德永嘉末
年太元初或復思親詠家風一日三省罔敢踈吳興

太守爲作記歷歷眼中明璠璣入齋先生篤行士經
術無慚鄒魯儒象賢者誰蓮旬公顯親後世惟令譽
蓋淵公復擅文章根本旣茂葉自殊一經相傳忽數
世向歆何足與之俱伏生口授惟一女至今過墓增
歎歎乃知皇天篤忠義誰言侍郎今已徂凜凜千秋
有生氣方黃一輩同馳驅紛紛苟活胡爲乎作歌示
世兼誠後請看卓氏多丈夫

江都汪懋麟蛟門

忠孝文章原有道卓氏祖孫大名早侍郎抗節遜國
時碧血丹心對蒼昊後人變姓塘西居深山種藥其
枯稿入齋蓮旬兩賢出虎觀譚經足傾倒蓋淵先生
更英異詞賦凌雲世稱少流傳江鮑體尤工可憐終
賈先秋草令子火傳述先澤傳經三世真堪寶堂前
俎豆何肅雍堂下遺書備探討王公甲第屢爲墟處
士蓬門至今好楊雄昔日草太玄此亭千古猶巋然
陶潛棄官蚤學道至今栗里人爭傳他時若問先賢
宅長橋里畔搜遺編

閩縣謝天樞星源

君家乃在茗雪之東、橫塘之口、庭列杜甫之四松、籬
插陶令之五柳、左羅圖史、右笙竽、綠水到門、山在牖、
巷僻時停萬里車、客至輒命十日酒、一時名譽滿東
都、誰知世德本耆舊、憶昔承平重經術、馬融絳帳桓
榮綬、蒲輪不就老伏生、漢庭公卿從口授、家學淵源
已百年、子弟雄才皆八斗、葦淵詞苑寂飛揚、曾吞雲
夢者、八九禪書未及獻、茂陵遺藁尚在後、人手幾從
劫、燼聞瑟瑟、琴卽今鈞遊猶俎豆、我有閩南舊草堂、十
年空逐風塵走、松菊荒涼怨不歸、賜書徒託鄉隣守、
吁嗟乎茗雪之東、橫塘之口、安得隙地更數畝、使我
結廬於其間、與君來作晨夕論文友、

江寧

倪

紱 開公

我聞少典之子垂皇綱、斗匡天府昭文章、東壁圖書
貫南極、光芒下薄明、湖傍山川積氣久、盤鬱龍飛鳳
舞紛琳瑯、聖經賢傳吐靈異、唐箋漢註羅縹緗、枋頭
遺文不在世、東觀古籍今未亡、石渠才人傳掌故、奎
章學士看堵墻、羽陵委宛借光氣、金題玉軸增輝光、
下視諸子暨羣集、敢與列宿分寒芒、武林之左傳經

傳經堂集 卷一
堂克棟插架聞古香，錯列棊几陋彝鼎。縱橫卷帙同圭璋，館閣百家分四庫。巾箱一幅承先王，主人執經如執玉。晰取疑義如針鋸，自從銅駝暗荆棘。烟雲過眼非故常，予祖賜書盡淪喪。低徊使我徒感傷，君從何處得宴息。父書祖澤矜弄藏，望之不啻獲拱璧。語我鄭重兼激昂，我離故鄉已數世。負劍辟咄勞肺腸，敬箴此詩示仰止。傳經之德何其長。

丹陽

賀宿

天士

君家侍郎一代師，子孫皆負神明姿。累葉行修聲望遠，經學傳家人共知。今有哲胤更奇拔，創祠述祖居河湄。讀書塾中教子弟，歲時瞻仰恒于斯。過者見之咸歎頌，海內聞風爭賦詩。我與君稱兩世好，孔李通家非一時。羨君守經能勿墮，所志每與賢聖期。鳳毛英英看繼美，奕奕才華芳譽馳。嗚呼先聖竟往留，篇章秦火雖烈書不亡。漢儒註說多荒謬，宋人訓詁亦未詳。千載傳經稱卓氏，此日承先有子康。若逢聖主尊儒術，自見蒲輪下帝鄉。

武康

韋人鳳

六象

七古

阜亭黃鶴山龍從傳經堂倚阜亭峯錢塘甲第紛如
綺唯有斯堂爲崇祀前堂層閣祀其先後堂萬軸陳
遺編著作四代推今古又有高名父子傳吾友英豪
天下少鳳毛麟種皆堪紹瑯琊七葉未可比潁川四
世安足道海內飄零誰知己吾與君家稱世好老夫
北來更蕭索浪跡天涯安所托幸藉令子才無雙長
嘯悲歌慰寂寞朝來擁被吟夜闌每共酌酒後忽狂
呼涕淚雙雙落吾語永瞻且勿愁蘭臺石室自相酌
片言遇主有陸賈上書拜官推馬周卽使英雄暫失
路寧效豎儒老敝裘試念高曾并爾祖當代儒林莫
與儔富貴繁華等一瞬文章意氣足千秋阜亭山山
可滅錢唐江水有時竭唯賴斯堂萬古存世世傳經
終不絕

黟縣 黃元治 自先

浙山迴翠嶺浙水清紆迴山水有靈才有數苕雪勝
地人文開中有卓氏綿家學三世傳經尚真樸架上
青緗永歲華案間綵筆揮星嶽曲檻危橋映古堂垂
楊溪畔浣花香祠前古栢烏棲滿樓外疎桐鶴夢長

傳經堂集
坐卧堂中寸陰積讀書聲裏雲山碧一代雄才更屬
誰火傳先生聲赫奕更有嗣君曰永瞻文章經術才
能兼爲余載述傳經處佳句新篇好共拈金臺秋色
催行路兩浙山川繫南顧長揖一別不復留離懷颯
颯空雲樹

杭州陸進蓋思

含烟隱霧松栢蒼奕奕卓氏傳經堂封禺西望峯何
峻茗水東來流自長傳經三世真不易傳經堂中修
祀事雨濡霜降升堂時猶若趨庭聽經義經義真不
忝所生一時卓犖推才名孝思遠追曾祖考如聞如
見感中情停車每有名賢過入室祇聞絃誦聲先賢
渺渺不可作客來更上相於閣夕陽懷古幾徘徊廣
濟橋邊帆影落

湖州王錫申續之

昔在今先皇臨御日四方講院光太乙湖上爰興紫
陽祠姚江重闢文成室爾時卓子曾語予三世文章
多散軼有志抗疏叩金門願請以綸音修先術予聞
其言心壯之荏苒十年傷蕭瑟故人音問多不聞兀

兀生徒耑課習客秋堂成集諸賢刻燭聯吟玳瑁筵
賤子讀之益歛手何能布鼓効比肩回憶昔年走秣
陵六代繁華孰與憑唯有先儒松栢在予曾瀝酒拜
墓門今見文孫斯堂立其人既亡其經存古來傳經
須傳人漢宋諸子代有真祇恐百氏亦紛紜安能如
爾守世芬勉哉卓子堅自勵無使異學鳴其羣

華亭

董

俞

蒼水

北平勁旅從真龍白溝師潰無堅墉故君遯荒臣滅
族天地變色鬼夜哭君家侍郎真男兒慷慨成仁志
不移至今方黃諸君子與公名同日月垂後人卜築
塘西地草木蒼鬱烟霞異俎豆先祠永孝思藏書館
閣何清閼德星煜煜聚越川入齋左車俱大賢珂月
繼之稱作者文章道德竝山淵厥後火傳爲四世祖
德孫謀兩不媿更睹箕裘世澤深僧彌法護誠賢嗣
謂永瞻百篇口授藏青箱一門師友傳經堂問奇草
次厚閣風流遠設帳銅川翰墨香吁嗟乎韋劉父子僅兩
代榮華凋謝時不再王侯甲第皆丘墟高人環堵巋
然在乃知不朽惟忠孝名山著述生光惟君過茸城

傳經堂上人
正暮春次厚花前珍重唱酬頻何當同爾扁舟去一訪

新城于覺世子先

傳經堂在茗溪曲溪流淙琤激寒玉此堂巋然歷五世忠孝文章起高躅堂上牙籤紛鄴架堂下林泉倚山麓六經奧旨成家學諸儒異同息紛逐我駐吳山六十日欲往無從心私淑回棹當復過茗雪擬一登堂非看竹登樓四顧深仰止余時寓曠然樓相於閣下高山

蠹

闕縣高兆雲客

臨安人物甲寓內塘西仁里尤蓋代二水波瀾似鑑明羣山清遠真如黛閭閻中多忠孝門世家經學斯文在衣冠卓越稱卓氏節義煌煌建文紀遺經藏弃傳後人三世崢嶸文筆偉新開祠宇大河濱橋西喬木參天倚蕙殺桂醕薦春秋鐘鼓殷殷禮樂備父作子述文獻徵孫謀祖德淵源系堂構巍然第一家麗藻風流直餘事勝地况當茗雪流高閣臨江門鼓柁時來耆舊看豐碑卽今詞客問奇字經過慙媿心多

傳經堂集 卷一
蓬空把詩篇羨流輩通經立家今世無登堂稽首期
明歲

宛平 李 曉 寅清

涼風瑟瑟流蒼烟西陵葉老飛鴻旋靈鷲橫空西子
妍涉江遠棹芙蓉天前溪王孫駕長鞭桂陌班荆四
十年述祖淵源三世傳大河之濱堂構延華裾鸞佩
盈庭軒銀灣倒瀉崑崙懸開屏薜荔迷長川遙遙秋
白生暮寒爲君高誦南山篇

蕪州 馮 勗 勉曾

塘西之水清且漣潑洄盪秀時蒼然控吳引越鍾靈
遠通德通濟同高賢於今世美稱卓氏紹業垂休光
信史侍郎忠貞照古人碧血丹衷爭國是蓮旬蓋淵
續入荀永瞻次厚方二陳阿翁火傳絕羈繼水心雲
影懷清真奕奕英華萃羣彥葉葉傳經奔紫電堂楔
翬飛柏操新爨倫攸叙流風善世守無慙薄蒲籬希
賢希聖切景行學術道義繩祖武一門師友騰家聲
彪炳先猷保勿墜白鹿芳規迥不異峯髻烟鬟書閣
開忠孝貽謀振天地

松江盧元昌文子

塘西之水周遭碧綠以垣焉誰氏宅空中恍聞絲竹
 聲上有卓氏之堂名傳經秦人一炬百家滅諸生發
 憤於陳涉一朝石渠虎觀開五經同異漢儒雜五經
 在地江河行在天如日如列星大都忠孝作根抵侍
 郎義烈垂丹青當年諱名匿李燮二百餘祀衍瓜瓞
 鳩宗卜築粵神廟肯堂肯構遂累葉入齋讀書窺二
 酉蓮旬韋編三絕又蓋淵手折五鹿角戴馮之席墮
 乎後篤生文孫曰火傳薪盡添薪火再然傳經真得

火傳力一身裕后還光前風流雨散三十載春來把

臂增忼愾浪說消魂逐去檣余訪火傳於僧舍早已解維因作詩志歎中有

消魂逐去檣句停雲一片宛然在峩峩次厚偉丈夫父書祖

德信所敷他年挾册獻天子辟易橋項黃馘儒君

不見金川遜國彼一時鍾山松栢依舊無一枝天經

地義若不毀此堂體於斯粥於斯琴瑟俎豆恒於斯

秀水高陽庭堅

夙敦友誼堪稱善君兼不肯忘貧賤昨日翩翩至故

居野花夾巷飛堂燕逡巡再訪阿新咸駐馬留連情

戀戀回鞭問道渡北來門前柳色雜蒿萊寂寂荒亭
草微綠編蓬日局爲君開相迎何幸得相覲凝眸髣
髴顏如舊披襟豪爽原磊落見我衰頽偏錯愕慙慙
叙闊三十年世事雲移屢變遷知交歷歷推詳究半
屬蓬瀛駕鶴仙咨嗟感慨長嘆惜孝穆零丁羈外宅
孔李當年意氣親屈指今存無幾人徵君高臥堅不
出指陳堯夫我亦臨流理釣緝羨君褒德家風遠忠貞先

代勲猷建西山文士擅詞源聚族河濱工藝苑奕葉

明經世所希千秋皎皎月恒輝謂珂月炳炳朱熹繼

益朗光芒普照復知機亘古才名有真假天意相容

獨賢者養晦韜藏前鑒車留心好道何瀟灑朴茂培

元胥教誨凜凜清宵應無背箕裘止願士爲農且向

南園學灌溉海寧查嗣璉夏重

後生學術無淵藪往往談天誇衍口春華秋實古難

兼氣節文章誰不朽吾鄉卓氏推望族遜國名臣侍

卽後天教一姓留典型幾輩蟬聯起諸叟西京衍篋

論源委北宋儒林辨誰某煌煌藜燈燃太乙種種秘

傳經集

笈發小酉雕龍餘技矢穿楊石鼓舊文魚貫柳一經
三世屬名家兩字千秋推作手頗聞名儒後必大賢
嗣文孫洵非偶百年榱桷尚如新別築祠堂寬十畝
已看歌頌美輪奐更蒔花竹貽長久藏經閣闕曉繡
書族譜亭成夜呼酒才名後先起南國不比虛聲但
箕斗知己無如父子間豈屑與世稱師友君家西水
我龍阜累世通家誼俱厚三十年前枯苑分家運迤
邐邁陽九桓厨兵火蕩餘劫陶徑柴桑慚世守老成
頓盡人所嘆小子無承良自醜竭來風塵事游惰筆
墨祇用供奔走祖父遺書讀未成肯堂肯構夫何有
詩成對君三太息獨抱殘經莽回首

休寧 吳 耕 研田

耕也束髮卽聞卓氏傳經堂乃在西水之橫塘中有
池亭與花木旁列茶竈兼筆牀三賢俎豆允勿替追
遡厥初由侍郎植本固者枝自茂子孫繩武新文章
綸音鏤石千古事至今堂構猶輝煌徒耳其名目未
接半生懷抱空相望今年扁舟過西水風雨不辭景
仰忙登堂拜罷重噴口一經世守源流長

德清徐 俔方虎

古人輕黃金、一經世守等珠琳、今人重紉袴、遭逢便
說儒、冠快市上紛紛裘馬場、典型咫尺喜相望、甘盤
舊學當知敬、孔壁殘書若個藏、馬廐生徒依絳帳、烏
衣子弟寶青箱、况多節孝忠貞事、輝映千秋俎豆光、
君家大名起遜國、正氣流傳共矜式、儒林赤幘後人
爭、學海元珠先世得、接武談遷一代豪、獨立君宗萬
夫特、蘭亭禊帖集羣賢、瀧首豐碑揚祖德、巖業崇祠
俯大河、行人不敢便經過、樞衣雲祀陳籩豆、盥手清
流薦芰荷、瓣香爭向南豐致、飛蓋原從鄴下多、宿艸
陳編雖已矣、箕裘弓冶慮誰何、北堂大節日杲杲、烏
頭綽楔臨官道、可知闕闕屬綱常、豈與江山鬪文藻、
年來白虎正讐經、安駟蒲輪徵宿老、勸爾巾箱付象
賢、同我商山拾瑤艸、

揚州張 楷 阜樵

西水潺湲訪舊廬、先朝曾賜紫金魚、君恩自是堅臣
節、子肖還能讀父書、讀書不讀經與史、忠孝何由晰
微旨、百世之師在高曾、一席相承皆父子、由來世德

傳經堂集 卷二
有輝光輪奐新開舊講堂文章豈藉科名重歲臘時
聞俎豆香世間何物能常在大義稜稜直千載君不
見鍾山樹木幾青黃三百年前事盡改

嘉善

魏允札 州來

爲人頗懶結時彥少小只識卓生面二十年來踪跡
踈壯顏漸減頭髮變叩門此日重相尋不將鳳字題
雙扇雁折龍摧各自傷短衫徧染啼痕茜兩姓起家
伏一經四詩三禮長分擅舊業青箱我盡荒可堪俯
仰空兢戰如君奕葉稱名通鯉庭授受非私禪著述
全教藝苑收淵源早向儒林見頻歲西溪放釣舟帆
影悠悠櫓聲嘒遙望堂開碧水潄渚蘋芳潔思修薦
縱觀車服及禮器猶憶從容恣談燕好把華堂醜曲
臺永傳經術休輕銜况復節母垂坤儀堅冰光瑩金
百鍊煌煌棹楫褒揚新肯比懷清徒播煽詠歌世澤
多高文伊余繼之有越諺

江都

劉梁楨 玉栗

硃砥勝璞玉魚目勝明珠漢室重輸邊安用事詩書
男兒少年悔不把吳鈞彎弓射虎覓封侯又未獲遇

傳經堂集 卷一
安期生藥成點石爲黃金蕭然青袍與皂帽經年負
米感懷抱一朝入市逢故人驚看顏色俱非少憶昔
良宴會風流不可期綺筵廣樂開壇坫猶是淮南全
盛時今日重來事非昨儒冠嘆息皆淪落鶴唳空天
和者稀秋月梧桐氣蕭索凌風却月總荒涼君家獨
有傳經堂文章節義承家學百年俎豆奉烝嘗膝下
况復丈夫子謂次厚箕裘五世增輝光過江門第多衰
謝誰似先朝卓侍郎

桐鄉

張方起

唐書

憶昔乙亥過塘西賁火光朕太乙藜我欲上天直探
蕊珠宮副車誤中空雲梯喜得拜謁入齋蓮旬兩先
生六經星漢氣虹霓公穀高堂大小戴折角解頤誰
與齊雲初四世萃一堂解駢脫紵爰相締欖槍妖彗
廿載來龍蛇歲起少微低仲尼不王顏子天大道榛
蕪委荒谿六經薪盡得火傳關閩濂洛相後先謬同
受知熊鍾陵陳亮劉蕢何怪焉文中之龍人中虎作
述一堂自千古永瞻兄弟擬睂山堂號傳經繩祖武
牙籤萬軸貯書樓石渠虎觀何足數聞君世籍在餘

傳經堂集 卷四
杭遜國名臣卓侍郎先幾早抗遷藩計北平遺恨不
南昌一旦燕師索難首執經泥古咎方黃不是
不讀書祇爲讀書取敗亡侍郎亂非自己作已爲六
經立三綱子孫伏隱二百紀六經遺澤久而光請與
今之談經者橫經一拜傳經堂

休寧

汪文楨

周士

塘西一水迴芳洲傳經堂外曾停舟圖書四壁盡羅
列環寶不啻驚天球遺經煌煌有傳者百年俎豆依
然留詞鋒筆陣固餘事得見前輩真風流邇來數載

隔音問一水似帶蒼烟浮梧桐谿邊繫蘭棹玉紉忽
把瓊琚投歸來一見喜相慰塵翳却掃清雙眸家傳
經術信稱美五世述作同箕裘百家子史並淹貫意
氣天矯橫千秋窮經未遇昔所歎累世好古誰其儔
卽今 聖主重儒術石渠席觀追前脩干戈已靖興
禮樂鴻儒蔚起猶旁求典型文獻定無幾屈指孰與
君家侔桓生稽古受榮賜談經豈合耽林丘

池州

吳

非

山賓

君不見古傳經者不必兼惟各專又不見古傳經者

不必全惟各分分治易書詩禮春秋爾雅論語間經
各析類乃專門易列姓名溯師源書列虞商周典謨
訓誥悉以存詩列二雅頌風南禮列儀禮周禮二戴
之記參與論春秋列左氏公羊穀梁立學偏爾雅註
釋及論語齊魯文漢儒傳經經未明宋儒傳經經相
因有別有正又有單羽翼以會先聖續先賢所歷元
明如諳遠聯牽源流一門誠爲難浙水卓家三世兩
朝遷堂構四部牀高屋並連豈徒博立地書廚聲譽
聞祖孫父子長淵淵當可卜奕葉渺飄雲凭几抽牙

籤錦帙巷萬千籀史談經疑豁然援經證史義比倫
我欲就從左右問薪傳將分專兼全于此何如以忘
其天年

崑山徐開任季重

憶昔先代承平日天子臨雍重經術虎觀諸儒訂異
同奎章學士分甲乙解經不窮戴侍中殿上無雙丁
孝公談天雕龍俱掩口宗風大振如鳴鐘東壁圖書
煥星斗西清竹素竊三酉宛委羽陵不足多金鏡珠
囊時在右自從劫火昆明飛文武牙籤出禁闈橐駝

傳經堂集 卷一
盡繫金華殿塞馬俱騰太液池魯公孝經市上售昭
陵禊帖人間授甲第平陽縣吏收樓臺金谷豪家購
卓氏祠堂長橋邊高門世德歸然全入齋篤行真儒
者步趨往往師前賢蓮旬蒞淵相繼起道德文章俱
鼎峙火傳本固發源深傳經肯構猶遺址法護僧彌
真鳳毛一堂師友何逍遙西京韋相僅兩代東都楊
氏得比高君家侍郎生遼國曲突徙薪誠上策吾謀
不用羽翼成至今藏血化爲碧天眷忠義灰燼綿名
山著述永千年乃知常存惟浩氣功名富貴徒爾憐

常州楊大鶴

西水卓氏世以古學顯按之吳司成傳知入齋先
生原本經義蓮旬先生遂於性命蒞淵先生尚志
風雅於以永忠貞公世澤于不朽者厥有由也亮
菴先生傳經一刻使家學益見彪炳拜讀之下次
青蓮集韻二章以申仰止

文有波濤心有宰傳經先生學淵海世事滄桑物變
紛遺經無恙斯文在卽看雲影亭邊路恍惚垂虹布
光彩星霞標映天風高鳳起蛟騰如有待君不見塘



原件短缺

西橋畔春波澄登高一望雲憑憑此中似有蘇門嘯
我欲就之求孫登一經獨耀千秋燈銷塵熄焰君其
能臯亭桃花紅萬頃武陵漁筏何時乘

次登高丘而
望遠海韻

二

相於閣邊風物青青峯四百圍丹楹中有虞絲鼓古
調不數趙瑟與秦箏傳經先生日晏坐心如禦寇風
中行胸中文章開蓬瀛天風灑瀚鴻濛驚筆運羲輪
照千古流景不慮扶桑傾坐看世會成昇平鳴琴人
重隆中亮穿榻自隱遼東寧解憤欲卧松風迎山花

君家忠貞之子孫至今累代爲清門六傳孝友風
古從此詒謀在五經光祿能詩愛賓客翩翩三鳳並
垂名學窺洙泗接濂洛同時碩德俱傾心華宗吏部
深相許每嘆靈光久獨存縱橫典籍登堂奧入齋明
經首應召言念伊人水一方著書滿篋留遺教有子
蓮旬學早成雄才浩氣稱英妙飄飄霞舉絕塵囂諸
公握手推同調上書北闕頌忠魂清涼山下存祠廟
落筆風霆忽已收境愛迓禪入圓覺蓋淵接武復好
奇玉山朗朗非凡姿毫端萬象爭羅列山龍黼黻生

光輝兩代才華妙天下修文早召令人悲火傳弱冠
遊藝林揮毫一掃千人軍南中副車復北上羣空冀
北還逡巡劉蕢發憤翻成謗待詔歸來慕隱淪堂前
俎豆承先德堂下絃歌裕後昆美君令子更能文皎
皎家駒獨出羣一朝賦就明光殿赫奕聲名動五雲
丈夫遭際貴得時年少風流今在茲鳳池鸞掖看相
近一葉傳經萬古知

諸城 丘元武 慎清

我昔挂帆西冷路蘭若攤書朝復暮雙槳呼門卓火

傳畫舫欲醉丘長孺談經折角月照席塵揮直拂珊
瑚樹縱橫四座心耳傾淡拖春光飛白鷺爾後消息
斷鴻雁重到河山杳烟霧塘西有亭復有堂吳興載
酒稱掌故忠節遠聞先侍郎籌策移藩身不顧孫子
半藏復壁中六籍口授蟬無蠹繼起復見三柱峰力
與秦灰爭謬誤羣儒百氏析銖黎膏盲特闢古今註
淵源磨礪大義陳不忍兔園守章句高陽才子善箕
裘輪囷離奇艱一遇言滿天下書滿家經營堂構凄
霜露上羅登豆下縹緗銀鈞吏部留縣圃三百年來

長橋居、曾經太史占星聚、此說恟恟在胸臆、攬身擬
傍林泉住、松柏詰曲人間世、晦冥疑有蛟龍護、昨夕
緇郎折簡來、姓名早識鳳凰羽、問答袞袞感慨生、少
年卓犖讀千賦、君家兄弟傳經人、世上騷裏安足數、
况復老親頭始華、揮毫落紙猶獨步、漢疏宋註辨異
同、重見徵君起叔度、竭來佹佹思寒裳、私心欲買黃
金鑄、登堂一挹茗谿水、橋梓爲我五石瓠、

益都馮協一躬覽

六經譬如大路然、得其傳者行不愆、秦人焚經漢世

出如日西沒、再中天假使當時竟燼滅、壁無可破塚
不穿、我言終不襲、長夜若瞽無相坑、塹顛人心今古
本一轍、不過借此方策宣、昔人作字鬼夜哭、我鑿混
沌鼉龍竊、一畫重關六書備、作者墳典註述箋、鴻濛
又肇灰劫後、周孔統緒遽斬焉、所以然者此心耳、經
以心在同薪傳、何況六籍炳星日、家絃戶誦經袞鮮、
胡爲徒拾青紫計、魚兔旣得忘蹄筌、耳標目擣復何
有、茫如失路墜霧烟、栖水卓氏多才彥、世守家學執
業專、前有忠節後孝行、或徵或著瓜瓞綿、入齋蓮旬

篤嗜古、馳騁藝苑、恣漁畋、斯道榛蕪、沿襲久逢、時技
巧尙輕儇、如聽古樂、欠申睡、誰歟、腹笥稱便便、蒞淵
繼起、何拔萃、歲月纂輯、窮鑽研、文章困躓、委時命、栖
遲寂寞、終林泉、亮菴才名、傾流輩、弱冠射策、螿弧塞
負氣、骯髒疾、斌媚有腰、耻折肯、擎拳築堂、河湄種松
竹、案堆秘牒、架瑤璣、上祝祖、禰薦時食、下誨子弟、期
象賢、杖藤革、烏儼如在、四壁笙瑟音、淵淵君家、五世
守清訓、寬衣博帶、則古先、非道弗處、長困約、他人見
異術、已遷、似此通經、洵無忝、無往不復、天道還階、下

之駒且超母、一日千里、何翩翩、四時消息、有伸屈、扶
握行上青雲巔、余家東海通、門誼孔李、奕世相周旋、
君之叔氏與吾父、同直史館、卧花磚、君入雍宮、稱弟
子、吾父題品加陶甄、君以世講、駕輕楫、山陰花月同
留連、挹君道氣、請他日、升堂快讀家風篇、

留惠趾昏並兼請此日托堂與豔寒風簾
不香父顯品成國體昏以世鞫黠鯁賦山劍芬只同
昏之妹刃與昏父同直史論相芬漸昏人聚宮舞策
豈許土青雲嶼余寒東海賦門道下李爽世賦周賦
文鷓且賦對此日垂里神臨臨四訓俯息自申風共

傳經堂集

五言律

問賦對字字坐蒲管字林對燕會 合虎 龔鼎學 芝麓

家烈忠貞遠遺經奕葉敦烟霞森俎豆潔白永蘋蘩
劉薦名應大披帷道自尊蕭蕭湖上月手澤照猶存

聞說橋西宅山滎水復廻大儒三世績高閣萬峯開
孝緯家成集安平代有才菰蘆賓從盛爭御紀羣來

遂寧 李仙根 子肅

十畝園林好、心期古道看、縹緗憑樹德、孫子重追歡、
佳興還臺榭、芳音有鳳鸞、百年餘蔭在、禮樂竝登壇、

餘杭嚴沈穎事

儒術韋家業、遙遙幾世賢、大名羣輩服、舊德一經傳、
草借書為帶、文成筆湧泉、欲知稽古力、講席有三鱣、

問知揚子宅、坐識管寧牀、擁鄰留深徑、談經得隱囊、
對人揮綵筆、有子愛青箱、游夏空文學、誰升闕里堂、

石門郭演寅客

江左推文獻、誰當第一流、地偏山水勝、物外竹松幽、
二酉藏書室、三壇植壁丘、古歡維孝養、俯仰足千秋、

二

池閣參差出、風流接遠天、一經韋氏業、五世子雲傳、
白鷺洲堪竝、青鸞鏡獨懸、扁舟何日往、飛夢雪溪前、

題書

上海葉映榴蒼巖

龐公高隱處、獨秀大橋西、澗遠泉聲細、庭幽樹色齊、
香風飄翰墨、寒渚泛鳧鷖、笑憶王維畫、難為卓氏題、

太倉黃與堅庭表

舊是傳經地、支孫卜築幽、丘園三世古、俎豆百年留、
老屋藏遺籍、輕帆落遠洲、幾時同眺望、尊酒話千秋、

紹興 沈胤范 康臣

雪水東南秀、名園選奧區、羹塘三世永、圖史萬靈輸、
池上游黃鶴、巖邊繫白駒、韋賢休譽竝、昭示與羣儒、

南昌 譙紹洪 範九

卓氏才名久、君今第一人、謂永高曾三世業、孫子是

功臣况有巾、笥舊應占床笏、新髻螺如在、望遥禮大

河濱

休寧 汪士裕 左巖

屢世傳經地、歸然今獨存、斯文無廢墜、繼往有兒孫、
綠草春生戶、青燈夜閉門、不誇天祿閣、藜火照黃昏、

黃岡 杜濬 于皇

觸熱來何事、傳經道已隆、櫬歸千里外、家在萬山中、
毛鄭詩寧異、袁楊世畧同、吾親猶淺土、媿作老蒙童、
亮庵來白門、遷蓮句、公歸葬

二

卓氏談經宅、由來天下知、先臣元柱石、後裔比軒墀、

五律

有卷三集 卷一 三
誰授曾孫學長懷帝者師老夫秋色裡來讀杲堂碑

太倉王 吳惟夏

遜國孤臣傳精忠說侍郎雲初能濟美理學已流芳
湖月臨書館峯雲入講堂一經傳五葉誰不羨青箱

二

茗雪雙流合迴環地自佳青山依傑閣綠柳映空齋
祠內人三世橋西水一涯典型今若覩瞻仰挹高懷

三

小築仍遺址幽棲自重名人推黃叔度學重鄭康成

堂構孫猶子箕裘弟更兄滿簾金縱好較此一毛輕

四

聖代為儒者知君奕葉賢縹緲前輩緝琬琰後人鑄
籤軸齊千架香燈迥百年風流應不數史學僅談遷

徽州釋紹隆 石庵

亭臺初卜築俎豆古先生花木時依砌文章世主盟
一經傳未艾五葉道彌貞好比禪林桂新枝遠更榮

二

西園修雅集野衲預高流槐柳清陰遠壺觴曲水幽

披襟人既醉刻燭典方稠星聚應今夕低迴看斗牛

上元 蔡 堡 鉉 升

勝地開祠宇千秋仰止新文章懸日月令德映星辰

講席花爭發書幃草自春塘西光世澤流水渾無塵

松江 周 綸 鷹 垂

曰昔燕京外論詩雪後山人歸嵇阮列交托紀羣間

世德遺經永高風奕代攀避喧堂構意門設亦常關

仁和 徐 汾 武 令

斯文長不墜卓氏一經存節義懸今古才華重祖孫

超宗生鳳翥太史識龍門我竊鄒枚好能來醉兔園

二

不問恭王壁藏書更有人杜家原傳癖鄭子是經神

水湧山生月花飛隴度春南州曾過此敢亦動星辰

海寧 徐 豫 貞 德 宣

卓氏傳經處高堂映水西衣冠仍俎豆學術每攀躋

院靜雲棲閣沙明雪覆溪無能企芳躅名姓閱碑題

空輿 陳 維 崧 其 年

地僻祠堂古各家舊學存西園徐幹美南郡馬融尊

碧水搖書幌寒松對石門爭知先澤遠典冊映乾坤

慈溪

陳紫芝

非園

夢綵文通擅開函對白雲書聲黃葉近秀色碧山分

子弟供麟筆囊箱辟蠹芸夔龍寧久矣早晚鳳池聞

鄞縣

萬言

貞一

先德遺經在馮軒字字讐孤鐙青簡夜紅葉碧山秋

賦已如園令文還似隱侯但愁蟾桂近猿鶴悵高樓

閩縣

董師吉

耕伯

浩浩塘西水蒹葭路未荒不圖移歲月安得及球璜

五世文章在千秋忠節香越閩風雅地松檜獨錢唐

定海

陳錫嘏

介眉

傳家輕寶玉繩祖重詩書夜讀窮高燭晨壘斷晚蔬

耕鋤維六籍刈穫在三餘較獵長楊日應當薦子虛

鄞縣

張

翬

又陶

開闢亦何事斯文在簡編若無刪述力不見古今傳

惻惻悲秦火煌煌歷漢年孰期千載秘世澤得真詮

鄞縣

陳赤衷

葵獻

曉帙遠山青宵窓丹鳥熒詩書風木在麻麥露霜盈

傳經堂集 卷一
先德雲中閣孫貽澗上亭元成應不愧相業只遺經

武進

孫自式

風山

烟樹霏微處門臨秋水開曉山衝霧起歸鳥帶雲來
讀罷吟千古論成把一杯書堂遺澤遠草木絕塵埃

華亭

董

含

閬石

君家忠節後喬木鬱相望俎豆千秋永箕裘奕葉長
談經傾覆下結客滿河梁知爾埋名久還依舊講堂

二

卜築青山裏空庭繞薜蘿家聲新綵筆祖澤舊鳴珂
業就黃金賤吟成白雪多塘西祠畔路何日問奇過

常熟

錢

嘏

梅仙

繫艇拜傳經登臨見地靈池分茗水碧簾卷越山青
問字人同醉看花眼獨醒千秋詩禮在端不負趨庭

武進

蔣

鑰

馭鹿

仰止崇先哲淵源啓後昆名優 天子詔德藉友生
言杯捲猶思舊星辰屬望尊經過西水上那不到龍
門

二

五律

小築千山拱、幽居一水涵、全家依蠹佚、遺業守芝函、
名不慙卿長、才寧列子男、宅年求夢肖、巖畔有經龕、

壽州 鄧旭 元收

南國聲華美、君家王謝堂、藏書三徑寂、載酒一籬香、
志比冰霜潔、名同日月光、子孫懷舊德、手澤豈能忘、

嘉興 王庭 邁人

谷可成張市、鄉惟說鄭門、人傳三代直、書擁六經尊、
禮樂隆前哲、文章起後昆、精微南學在、堂構正堪論、

錢唐 黃機 次貞

世德真難竝、談經此地幽、綠深三徑柳、荷長一池秋、
漱石常臨渚、看山欲上樓、牙籤分韻罷、次第錦囊收、

宣城 施閏章 愚山

古來稱學者、道大遇彌窮、每讀傳經集、常思垂釣翁、
詩飛梁苑雪、賦壓楚臺風、今日蒸嘗盛、誰傳奕世功、

吉水 李來泰 石臺

高館斜陽外、披襟共唱酬、名山供戶牖、鄴下擅風流、
愛寫臨池綠、時看修竹稠、承先君不忝、千載大文留、

鎮江 張玉裁 禮存

誰似傳經地風清荇藻香山光穿幌翠樹影壓溪涼
勝事誇盤谷幽居似草堂一時欣美意幾欲泛餘皇

歸安沈三曾 兄斌

褒德家聲遠詒謀啓大儒清標侔沉澹卓犖擬璠璣
列戟承華閣青箱有賜書西泠丘壑美環抱子雲居

家近錢唐路鶯花日日看南皮冠蓋盛河朔酒杯寬
魚鳥親蘭佩珊瑚拂釣竿千秋吾道在赤幟藉登壇

常熟嚴廷弘 偉齋

爲問茗溪勝傳經尚有堂雲雷看俎豆甲乙辨縹緗
世澤三公舊文光萬丈長百城何足美山嶽共低昂

揚州蔣于易 前民

一夕瓊花萎千秋鐵篋悲有園分樹色爲客後春時
隣接蓬蒿徑魂交葭水湄傳經堂構久媿我欲登遲
君家小阮園傍蕃蠶觀側火傳喬梓假榻其中

卓哉名父子經學有傳人躑躅邗江上空嗟吾道貧

忠貞頻述祖風雅竟無隣何日西冷去長歌共隱淪

文章歆父子經術漢西東只此紛紛譽誰家指授同
數椽悲亂後三世閉門中餘韻猶衣被淵源獨不窮
歙縣 閔麟嗣 賓連

二

何人援秃筆不朽榜山堂風雨松杉老羹墻夢寐長
朝無丹詔日路入白雲涼直欲移家去依隣水一方

陽城 張于廷 顯卿

為訪高賢躅相傳守一經堆箱有赤笈開卷薄黃庭
家乘推司馬淵源溯考亭文章千古業輪奐美先型

江都 夏九叙 次功

聞說塘西路儒門絕妙才清譚多奪席揮塵獨登臺
白雪千秋秘青藜百軸開湖千車馬駐都為授經來

遼陽 鍾澗 山眉

三世傳經地堂開豈競名遺書存典則有子續忠貞
檻繞吳山秀詩吟茗水清塘西橋下路何日叩柴荆

仁和 鄭吉士 有章

開國忠魂烈傳家經術綿人文關一代俎豆自千年
地接粉榆近交投蘭蕙賢何時擷溪藻瞻拜几筵前

餘杭董宗原 老泉

江左清真族爭看第一流經傳揚子宅人御李膺丹

俎豆森前代圖書做夕樓何時陪羽獵詞賦信千秋

錢唐王日暉 丹麓

經術傳家遠河濱肯構新華榭交燕雀芳俎雜蘩蕕

黃卷思先澤青雲起後人登堂久未遂歧望倍勞神

白雲千嶂行 鄞縣陳自舜 小同

奕世傳弓冶貽家只一經綺疏開萬卷燈火碧三更

綵已分江筆名應儷曉星漢廷重才俊早晚有芝生

興化李烈沂 艾山

傳經聞自昔斯道久云荒三世文章伯千秋翰墨香

薦馨開棟宇紀美集琳琅奕葉才華盛淵源在一堂

吳江徐崧 松之

卓氏名何盛傳經重武林能分漢儒席真得孔門心

堂構猶如昨箕裘直至今何年重過此風雨夢中深

長洲蔣埴 曠生

誰似家聲好堂開世澤長傳經懷舊德奕葉闡幽光

意氣雄壇坫詩篇滿篋囊往來多仰止坊表在橫塘

五律

遼陽 席居中 允叔

佳氣屬西泠常聞聚德星百年新翰藻幾世舊門庭
自表人倫望曾留車轍停有堂紛俊彥真不愧傳經

珠璣盈卷在纍纍集弘編共與荀門洽皆聞阮氏賢

兼葭秋水外蘭蕙玉階前欲接通家好相思清夢牽

歙縣 吳荃 劍空

為堂西水畔萬卷貯菰蘆卓犖觀應徧淵源道不孤

張華矜載乘傳介浪投觚那及先生志裒然表大儒

兼贈亮庵先生

華州 羅賢 倍千

斯堂名久重俎豆敢沉淪帶草窓前綠韋編架上新

道傳三世古香滿一林春知有遺經在吾來好問津

嘉興 王燮 子和

卓氏名賢第西溪一草堂文章傳俎豆禮樂見羹墻

遺業千秋重先型奕葉昌從來栢棧澤山水共高長

秀水 朱茂暉 子蓉

西水斯人在扁舟此一停文章垂世業忠孝有傳經

帶草依堦碧屏山入座青高風共仰止花雨自冥冥

嘉興沈廷勸子相

臯亭山勢合肯構一堂成忠節千秋重文章奕世名
林園闕俎豆江海蓄崢嶸我欲瞻風拜悠然西水情

傳經堂集

七言律

松江沈荃 繹堂

雪川東去水潺湲一帶方塘舊第存種竹宛同中散
地叢蒼仍似庾公園百年通德門逾古三閣傳書道
每尊寂是吳興山色好何時登眺與朝昏

桐城何回采 省齋

文端公與文莊善

謂葉曾城宗伯

因識蓮旬及蓋淵父子真

儒開後學祖孫舊澤守遺編一堂述德如星聚三世

七律一

論交得火傳自是文章本忠孝當年彤史說金川謂侍

郎公

公與文集善賦詩山陰滿惠風氣滿闕父子

常州莊回生澹庵

高士名祠水一方昂霄庭樹發幽光停舟啟篋詩題
滿下榻談經茗椀香五世丹鉛沿手澤千秋鴻業淬
心鐸清樽能載雲亭酒奇字從教問草堂

二

長日攤書費品題開門忽訝綠陰齊茶因泉勝烹桐
下琴喜人閒到竹西花信已隨桃李過天光未許鶉
鳩啼春來春去年年事只向晴窓守墨畦

帝制三

帝制三前書京數事本姓新林與謝靈運詩

門庭深掩雀飛翔為愛幽棲到此廂連屋書高何減
鄴說經願解盡推匡孤標削劣多奇氣一榻蕭疎見
古狂幾度懷君攜興訪吳山越水不辭長

龍武四

龍武四與合本數聯清首回與西書亦林

家世龍門重訪咨蕭蕭風雨閉門時格追大雅辭方
典極造高深品益奇我意所尊應有以君心相印諒
同之千年定論歸明眼聲價從來不可欺

潼川呂潛半隱

璧水園橋茂草侵河濱家塾壯登臨雷何席豈誇車
服鄭賈箋能識古今三代圖書供博採六橋絃管聽
銷沉漢庭會有遺經詔首向塘西著作林

古詩和亮庵韵江寧李廷樞辰玉

武林原上草離離拜手西河卓氏祠志道譚經傳丙
夜子康儒術化春犁休矜鄴下占星會自是人間有
帝師更憶清涼遺澤在披榛相與讀殘碑

謝詩春來春志江寧高斗樞玄若

忠節開家世澤振名賢奕葉及君身天荒地老留書
種石古松蒼作德鄰著述長看扶後起棐尊還藉識
先民題詩遠寄深秋月正遇山中紅樹新

江寧胥廷清永公

才士難于聚一門君家父子况蘭蓀高文不墜天心
在俎豆齊看道岸尊積雪巴山惟石色飛鴻泖水盡
雲根何當好句來僧舍未是瓊琚欲報聞

鹽城孫一致惟一

雪溪茗水抱吳山別墅雲開湖上灣載酒暮烟修竹

傳經堂集 卷之三
近談經春雪小樓閒構堂益見蓀枝美鳴鶴應憐菜
子斑何日塘西橋下過一停蠟屐叩柴關

青州尹從王 舍美

風雅傳來祖澤長琅函開處覲羹墻參差更綴平泉
石宛轉如游輞水庄翠滿蘭畦春照雪芒寒藜火夜
生香蒲帆西去錢塘路景仰猶存舊草堂

和亮庵原韵四首 德清沈應旦 方平

高閣初筵振八琅箕裘風雅未渠央半山紫氣黃梅
雨十里清香藕葉塘客到南皮咸珥筆才尊北海更
行觴獨憐江上元真子釣笠難攀星聚堂

二
一樽求友聽雙鷗坐到紅橋落日西撐眼卽教新句
出披心還與古人齊文章有柄傳家世風俗無端徒
髦倪此處不凡誰感慨遙知起舞玉繩低

三
命客歌風廢黍離爲傷千里白雲祠舟迷桃葉烟中
渡草沒長干雨後犁二百餘年臣共子尋常一話友
兼師桑田已改傳經在絕勝吾家祖德碑

元龍百尺有高樓指點微茫白鷺洲開寶話來渾入
夢雲山迥處忽成秋傷心慈母求貞石坐膝佳兒命
壯遊羨爾一堂俱賦手雕鏤不顧鬼神愁

錢塘 眉山 項景襄

老桂幽篁手自栽古人如見更低回先生每愛讀書
處小子多從問字來草色侵階遊蝶散谿光入戶好
花開箕裘不改家聲舊盡是欽寄歷落才

崑山 葉方藹 詔庵

憑高眺望思悠哉極目雲山半草萊滿苑清光來水
面橫塘彩色過橋隈一經妙理千年賞三世奇文八
斗才積厚自能流澤遠行將對策到金臺

湖州 嚴有毅 旣方

天心寂惜是才華縱忝科名未敢誇始自詞林推卓
筆幾朝藝苑失江花談遷父子猶俄頃漢宋源流近
一家文字各能開戶牖况經堂構澤逾賒

嘉興 何元英 豨音

時對高秋寄所思傳經家學世應師忠貞遺澤箕裘

遠褒德宗風奕葉奇三代靈光存魯殿千年元氣在
韓碑何時重泛西冷月瞻望雲霞卓氏祠

錢塘顧豹文 季蔚

世業圖書自校讐有懷並欲樹千秋青藜不止懸天
祿玉尺還期屬夏侯擁百城三徑闢夜連七閣

燈收錦函莫但訓家乘門外橫經正未休

常州黃元永 雲孫

傳經堂記墨痕新寂寞傳經更愴神海內才名三世
祀橋西堂構兩朝人為探秘笈舟車集即對名山嘯

咏頻媿我東來看咫尺凄風踈雨水鱗鱗

江寧蔡祖庚 蓮西

塘西宅是忠臣舊三世傳經更有堂蘿薜挂簷磨歲
月松筠當徑繞冰霜學儲萬卷宗風古秀聳千峯苦
節香握手驚看喬梓盛幾回螺髻眺清涼

溧陽吳 頴 見末

蓮旬遙對佛螺青恰是先生著述庭歸向塘西遠紹

祖方知堂上舊傳經國書赫赫流霄漢家集纍纍耀

日星茗上逢君携令子及鋒又見試新劔

常熟孫魯孝若

世家名彥玉亭亭仰止高山誦典型棲水芙蓉雙劍
紫武林桃李一瓊青人過郢里酬春雪客到橫塘問
歲星計日子虛天尺五登堂猶說舊傳經

二

雲漢昭回瞻梓橋龍門千仞望峩圖書太業傳青
史家學清風亘紫霄文字八荒推袞冕流徽百世慕
瓊瑤雞壇賸有如椽在寰海詞場未寂寥

蘇州宋實頴旣庭

旅次欣逢耆舊人十年京雒洗輕塵飛揚跋扈兒曹
並鼓篋藏書吾輩真落日芙蓉凌晚翠臨風玉樹對
清新當時同學今誰在牢落才各有計陳
謂計子甫草陳子其

宛平米漢雯紫來

羣峯秀遠雪溪前祠宇新開水竹邊白雪調高家自
和青箱學秘世仍傳史才彪固原繩武文望機雲近
比肩買棹幾時探勝槩為修蘋薦讀遺編

泰州鄧漢儀孝威

傳經堂集 卷二
武林經學著塘西祠宇新成落照低三世牙籤頻拂
拭羣公斑管會標題溪雲染檻人如在山月過橋夢
不迷多少侯王隨蔓草大儒名與侍郎齊

二

喆胤曾聯編帶歡遙傳堂構有殊觀百年禮樂歸縫
掖一片湖山入講壇休遣蛟龍侵戶牖須知豺虎重
衣冠何時却慰羹墻志暮雨停帆問考槃

杭州 柴紹炳 虎臣

見說傳經此有堂堂前書帶草應長數峯遙挹薰爐
靜三徑時開展齒香彩筆臨池供照染絳帷隔座奏
笙簧溯洄知有伊人慕定在塘西水一方

祁門 胡士著 璞崖

茗溪雪水繞祠堂古栢高梧氣鬱蒼百世弓裘留絳
幄千尋蘿薜護青箱堦前草色凝書帶樓外峯陰聳
筆牀盛代石渠虛席久聞占星聚六橋旁

餘杭 嚴曾渠 方貽

三都才子真吾友五世傳經更肯堂別業溪山矜勝
絕宗祠俎豆日芬芳歌噫莫漫違京闕練賦仍看貴

洛陽盛代庸賢升濟美重施畫戟映林塘

錢塘

汪肇衍 念弘

岩堯祠宇歷星霜掩戶經笥競墨莊漢代幾人司絳

幄楊公此日賦鱸堂楷模三世聲名遠弁冕諸家俎

豆光况復箕裘才卓犖桐陰藜火耀青箱

新城

王士祐

子側

清華水木橋西宅堂構巍然世澤存濂洛淵源貽令

子高曾規矩起文孫廻狂何讓平成績翼聖應叅絕

續言見說向歆皆善繼石渠藜火待高軒

會稽

姜希轍

定菴

卓氏橫塘舊有名節高遜國蚤垂聲氣吞淮甸三更

月魂遶昆池萬里程奕世有孫皆令德百年遺教重

思美巍巍堂構傳經處不讓秦時老伏生

淮安

張新標

鞠存

堂構弘開世德先代鍾棲水獲真詮功高太傅封侯

地禮裕王孫崇祀田經學修明畱燕翼才名振起接

薪傳為過堂下欽芳躅指點占星雲漢邊

華亭

吳懋謙

六益

傳經堂外下流澌綺陌春花欲暮時石磴一樽傾白
墮畫樓三月聽黃鸝關河有恨存遺址草木無情識
舊祠異代箕裘真不媿每看賓客共題詩

揚州

許承宣

力臣

縹緲吳山隔戶庭閒時卜築傷雲汀五湖襟帶綠三
徑百世薪傳只一經碧水橋西高士座青藜閣上老
人星寶香風雨兒孫識著作淵源在草亭

風雨過虎侍郎公事

鄞縣 洪圖光

暉吉

年來理學竟如何獨向狂流砥浩波名世文章凌北

斗大儒經術本西河山迎畫閣春雲覆花隱書聲夜
雨多 紫禁卽今開講幄君家結轡好鳴珂

山陰

錢 霍

去病

講堂三世大名齊求友還尋桃李蹊在昔譚經通白
虎於今把酒聽黃鸝庭前書帶添新草床上韋編憶
舊題不盡聞人祠下過維舟常在市橋西

建寧

李鄴仙

泌若

卓氏傳經築路傍三賢細帙室中藏不隨朱陸分同
異共向顏曾化狷狂奕代高風披絳帳百年人謝續

七律

青箱浮航得訪先生後繩武文章又洛陽

會稽姜木垚 汝臯

圖書萬卷對縱橫盡說傳經似伏生遜國當年畱勁

節貽家累葉有賢聲花陰入座移細帙嶺月流光照

鄴城此地定知來太乙杖頭藜火至今明

崑山葉奕苞 九來

三世薪傳聚一祠春風蘭桂發新枝往來多下行人

淚廟貌應溪故國思鄭氏門將標德里韋家業不愧

經師豈惟輪奐稱堂構自有煌煌述祖詩

南昌彭 毅齋

東南美盡畫圖開曲榭長廊帶水洄自有奇書藏宛

委遙看翠影接蓬萊柳塘如鑑驚遊鯉碧砌盈欄已

植槐五鳳早忻世業茂添修應待後多才

嘉善魏允枚 卜臣

西水汪汪似帶滌人文鬱起振家聲談經席盛傳槐

市通德門高近穀城孔李舊敦先世好曹劉今景後

來名還期他日過祠下再拜登堂薦芷蘅

江都汪耀麟 叔定

傳經堂集 卷一
五世相傳守一經侍郎家學著西泠蒸嘗百代留祠
宇文獻千秋見典型繞檻空明茗水白捲簾晴雨竺
峯青當年手澤今猶在說禮敦詩羨過庭

用亮庵原韻四首

莆田黃虞稷 俞邵

誰知劫後有謨觴望裏汾亭是武唐千載詩書留冢
壁一家薪火盛鱸堂繁華謾自誇金谷傑構俄然失
未央爭似君家數椽好孫曾白髮守琳瑯

二

雍雍禮樂大橋西俎豆諸生列檻齊市憶名槐曾折
鹿堤新種柳好聽鸚鵡又吞三畫應同詡鋤荷千乘亦
似倪金石淵淵如太古登堂轉覺衆峯低

三

燈火禪龕傍古祠遺踪百世許誰師家移越國來齊
市冢儼梁鴻伴要離螺髻夢殘荒蔓草蟾臺人去碎
留犁篋中尚有傳來研雪滂重刊第二碑

四

匏尊瓠葉薦芳洲結宇參差百尺樓五葉遺書傳祖
德一門名士足千秋敦盤盛事推雄長風雨交情感

昔遊爲憶竹林今罷講白華凝睇起深愁

懷有枚

雲溪釋淨挺

恨亭

堂高此地問傳經奕葉冠裳露澤零京國尚存劉向閣蜀都爭嚮子雲亭懸知有道依喬嶽况復賢人聚德星方外我來還契結碧蘆環擁四山青
寧波董道權
滿栽花竹剪茅茨風雅千秋祖德詩此日亭臺容坐對昔年杖履若追隨人誇楊氏三公傳誰續邯鄲兩世碑亦抱遺經傳未得相於閣下愧含卮

海寧

陸嘉淑

冰修

江左膏腴夙見推人才幾葉擅經奇儒林紀述應千載文苑風騷又一時黨塾爭傳大人頌秦淮猶誦寓公詞卽今子弟名長起數卷遺經百世師

二

譜牒當年諱建文衣冠門第又如雲孫枝名氏留遺澤家乘高曾有舊聞榮謝推遷百年事簡編無恙一經勤城南尺五誰堪羨仍世青箱總讓君

蘇州

施誼先

又皇

七律

野塘春色賦閒居萬卷驚看舊著書自有田疇供伏
臘不將名姓動州閭花明臺榭湖光迥月照園林樹
影疎褒德家聲如在望音徽永結白雲廬

集唐

江都王穀 椒郤

北闕恩綸鳳詔新一家柯啻十朱輪風騷一代文章
主書誥三朝典制人身應山河分嶽瀆功銘鼎呂繪
麒麟傳經漫自思劉向斑荀材依玉尺臣

鄞縣董允瑄 在中

百尺樓頭萬卷書五星一一映檐除共欽劉政通經
術誰識相如賦子虛門掩山林兼白水徑深蘿薜與
寒蔬寂寥揚子河東就爲報天風試早噓

德清張錄 大千

世澤流輝啟後賢芳徽長發紹書田鳳占他日承祧
顯星應今茲貽燕綿大水帶環光日月高山屏翰迥
雲天瓊觴此夕成嘉會共識儒宗脉正傳

海寧范驥 文白

白鹿微言闡秘靈石渠人物夜談經遙知大道開薪
火永藉斯文發乃礪載酒船從千里至藏書閣對遠

山青我來翰墨沉酣處幸拂流風起醉醒

蘇州 潘沐 新彈

洞室閒簷靜曲廊青松翠栢蔭高堂雲開碧宇霞蒸
彩露浥清池花泛香望屬典型欽俎豆心崇藝鼎近
芬芳昔賢著述還多待理學文章自有光

蘇州 李楷 仲木

相逢蕭寺索題詩想像名園綠水湄鄴架雲深書萬
卷庾樓花盛酒盈卮千秋明德看青史百世貽謀咏
素絲他日相期間泛棹白蘋紅蓼誦新詞

鄴縣 丘克承 紹衣

橫塘百里下西冷祠宇應尋水上亭問字楊家樽酒
綠校書劉氏杖藜青栢棬世澤垂三代筆硯生涯寶
一經最喜童烏天性好相看執卷共趨庭

鄴縣 萬斯備 允誠

一編長傍夕陽斜杖底青熒映晚霞三代詩書傳竹
栢百年誦讀當桑麻春燈古屋高人宅夜雨寒塘處
士家劉向漫言心事杳至今殘日有啼雅

揚州 華袞 龍眉

傳經堂集 卷一
漢書不盡付飄零燈續秦灰照壁青誰道先人曾說

法蓮旬先生今知家世久傳經天渠預奪諸儒席湖

海遙占處士星劉向自懷心事絮錢塘雲氣洗南屏

鄞縣范光陽國雯

早歲芳名動碧霄兩朝文物盛今朝獨傳江夏無雙

譽共播湘東百六謠籍圃定供深夜獵書崑應足晚

冬樵詔裁五色他年事始美人間有賈鼂

鄞縣丘玉蘊生

綵筆紛披五色離傳家唯有白雲詞簾垂玳瑁珠爲

柙樹挺珊瑚玉作枝高館開函星漢夜踈砧下帳晚

鐘時只今絃誦聲常滿韋相風流世德貽

漳浦趙炎二火

羣峰窈窕揖虛堂花點清尊月就牀秦火那能侵魯

壁墨兵偏可越錢塘文如海水空天地人似梅花飽

雪霜前代石渠今在否羨君家世富青箱

窮經鍵戶未能同又少前溪地數弓君已置身千古

上我常飛夢百城中孝標累世皆名史江夏何人及

傳經堂集 卷一 七律

聖童

謂永贍次厚

歎絕佳篇揚祖德于今安得不稱雄

錢塘

毛先舒

稚黃

卓氏祠堂鎖翠屏羣賢二世此傳經南浮於越千江
白西帶封禺幾疊青樹色曉橫烟靄靄蘋香秋薦雨
冥冥此中合擬烏衣宅王謝風流在過庭

寧都

曾

燦 青藜

亂後風波愛遠遊塘西橋下輒停舟舊傳里巷知通
德欲肅衣冠拜太丘三世忠貞青史澤一經燈火白
雲秋至今異代還祠廟水盡吳江不肯流

泰州

官夢仁

定庵

十載戈船我武揚塘西祠宇峙靈光三朝典制人如
在五世傳經澤愈長屢滿問奇楊子宅門名通德鄭
公鄉相看縞帶歡疇昔正好扁舟過草堂

天台

洪若臯

虞隣

韋經柳篋紹羨墻蘋蓼清馨祖德光人物百城推實
紀文章奕世重班揚箕裘密指南車邇鐘鼓遺聲北
斗橫何日停舟瞻廟象麗牲石畔檢青箱

闕縣

張觀光

岷雲

仰止高堂雪水偏忠貞公後世多賢藏書手剪園中
棘束帶躬耕墓下田藜火尚吹劉向閣縹囊猶架鄴
侯編塘西一席傳經地不羨南城尺五天

二

經學由來重疏箋肯堂輪奐識真傳伏生壁裏寒炎
火楊子亭中守太玄五世才名高繡虎三公事業兆
銜鱸葭蒼露白伊人遠夢瀉橫塘藥玉船

上元吳晉介茲

挿架縹緗擁百城故侯褒德本經生文章報國承先
志忠孝傳家擅盛名異代歸儒秦伏勝一時稽古漢
桓榮草堂憶昔曾停棹廿載塘西夢尚榮

二

清涼山畔侍郎祠臨眺能無動客悲日落荒陵休戰
馬風高禁苑響鳴鴟金川舊恨關山在玉樹重歌宗
社移此日文孫勤享祀空捫苔蘚讀殘碑

次厚時
來自門

海寧朱爾邁人遠

予家舊業一經堂得似經傳卓侍郎清節自能光日
月孤忠尤許傲冰霜人同仰止連山峙學有淵源接

傳經堂集 卷六
水長卻笑雄談誇折角百年聲藉鄭公鄉

江陰周榮起 仲榮

問字船曾河下泊傳經堂未帳前升君家歷世詩書
澤錫類猶看棟宇憑曾壁徽音真不替太丘星緯自
堪徵憐余老繭欣貽穀蘭譜重修感代典

休寧方鈞 予衡

名家俎豆傍河隅望裏流風實楷模千載文章歸大
雅百年堂構見真儒紆洄一水成珪璧歷落羣峯入
畫圖媿我無由逢襖事只將仰止向枌榆

松江張若羲 帶三

卽今何處有傳經古道難論落落星卓氏一門宏節
烈塘西五世聚精靈文章豹變光彤史德業蟬聯照
汗青我愧橫渠思講易虎皮虛席共誰聽

鄞縣萬斯選 公擇

天球寶玉早傳芳學擅雕龍翰墨香五世烟雲憑赤
管一經風雨付青箱揚雄賦就侈天祿方朔篇終咏
栢梁佇看江東有潘陸漫誇京兆只田郎

鄞縣萬斯同 季野

草堂花木映斜暉
簾捲青山入暮雲
辨吐碧雞矜彩筆
夢飛白鳳羨遺文
瑯環玉笈祥光繞
委宛瑤編寶氣紛
前席桓君稽古力
一經何似守耕耘

天祚寶正

婁縣

彭師度

古晉

傳經堂築有高名
廿載辛勤孝志成
君子得朋思截髮
小人有母缺遺羹
桃花巧作裁斑色
鸚舌都為送別聲
吾輩論文真不易
題詩千古照餘情

明合

湖州

潘廣福

受先

西河世澤景芳聲
仰止祠陰氣象閎
遜國忠成千古烈
詒家訓著一經明
巍坊爍日垂金石
峻宇臨流煥桷楹
帶水片帆洄溯切
登堂瞻拜有餘情

五

秀水

陳忱

用直

彩虹天半跨河干
祠宇蕭疎橘柚丹
伏臘歲時虔俎豆
箕裘愾慕謁衣冠
貽經何但巾箱寫
立碣還同壑日看
他日來游申仰止
為叅同異共盤桓

歐陽

海寧陳之遵

道升

臯亭雲接最高峰
甲第才華衆所宗
禮樂世傳敦肆夏
文章家學富三冬
德門在昔應無愧
品望于今豈

易逢更羨醇醪丰度好一時豪客盡登龍

天台袁日華 實齋

殉節當年表漢廷抱書高隱此傳經堂開湖水渟渟

碧碑照江流細細青家學千秋推卓茂古稽奕代重

桓榮慙無延壽靈允筆寫出君家世德馨

松江張永澄 梅崑

正氣曾扶日月輪澤垂忠孝有傳人一編彤史堪留

跡萬軸牙籤自等身碧水當門供采藻白雲引徑絕

飛塵登高猶幸親瞻仰龍種騰驤未易馴

嘉興陳苞 竹墅

歌闕停雲腸幾迴十年重與一登臺兒童蹠足看耆

宿南北降心指部魁谷鳥不禁新節變林花還為故

人開吳山相望堪乘興肯信風懷鬢雪催

吳山張光曙 淇園

忠貞曾識舊家聲代有文章屬老成抗志千秋多北

面傳經三世比西京欲窺縹帙書倉富擬薦溪蘋西

水清最美韋賢能濟美石渠還待論縱橫

嘉善蔣士弘 耦萬

七律

俎豆千秋譽望崇
雀桁闕閱表遺忠
聲華七葉推元禮
詞賦三傳倚敬冲
牛耳已憑都講重
鳳毛未許衛軍通
當年問字屢常滿
秦嶺殘碑辨帝鴻

吳江朱千裴香培

吳山遥峙越山通
儒者家風一畝宮
長負奇姿甘隱豹
久將小技薄雕蟲
解頤不羨匡丞相
重席如看戴侍中
過客繫船頻仰止
林亭相映夕陽紅

傳經堂集

避暑詩

天寅 火傳

烟霞求未遂乘興得相尋
的的荷香杳萋萋竹氣陰
寒雲籠野沼靜鳥劃長林
黃絹新詞好壺觴愧爾臨
帆影無情甚河流直北長
間關勞使節簫鼓動悲涼
誰築千金館空餘一草堂
百年存舊德回首但旁皇

憑欄聊一望天際澹生幽花暗光難曙風來徑蚤秋
燈殘生遠夢樹盡起孤樓會得遙山助還從放眼收

四

制府勤民隱無憂杼軸空行田今日事在駕古人風
才老烟波裏春生浩蕩中嚴公遂攀陟吾幸浣花同
督臺劉公枉過草堂咨訪民情憂勞倍至

五

賴有文章在依栖此唱酬聞鐘遙出寺落日半臨流
小閣兼天淨平原接樹稠榮華未岑寂消息肯淹留

和家大人韻

自入林

幽

流

允域

永瞻

子雲耽寂寞載酒幾來尋有道名東國忘機學漢陰
攜琴橫小几看竹入深林間展黃庭帖池邊洒墨臨

書

二

碑

古

室

於

林

際

幽居當酷暑日似小年長得誦清風什能令滿座涼
難誇斤竹嶺祇愛玉山堂竊笑凌雲賦空傳動漢皇

兼懷董子與子

中

景

秋

興

同

幸

一

風雅師公輩偕來此探幽同時推博物獨許賦悲秋
佳客三珠樹高人百尺樓廣川羈旅思何日一帆收

岐路饒詩興奚囊每不空清歌驢背雪長嘯布帆風
旅思懷燕市歸情憶越中曩時雲樹隔何幸一尊同

一經懷祖德有志未能酬筆落千巖峙詞傾三峽流

遺書牙軸古虛室竹林稠諸子耽騷雅低回肯久留

豈是高陽里頻攜酒伴尋鳴琴消永晝開卷惜分陰

豪氣應冲漢清談自入林門前流水住蕩槳幾來臨

金谷欣咸集團亭引興長聯詩多逸句環坐得微涼

江左諸名士橋西一草堂占星煩太史敢亦動君皇

昨有池塘夢言栖茅屋幽魚遊方出水蟬急欲鳴秋

書卷攤晴几棋聲徹小樓狂歌炎暑滌仰見夏雲收

渺渺烟波濶沙平影自空巖邊看皎月樹下待清風
帆去長河外鐘來古寺中臨淵垂釣處斯意許誰同

五
靜坐蕭齋夜欣逢此唱酬張衡推賦手宋玉擅風流

香動芙蓉放光含螢火稠一丘資俯仰長願得君留

和韻
華亭張彥之
沈侯

乾坤邈無際人物屬難尋交托羲皇上居思山水陰

探幽懷勝地擁膝接深林何意茅齋裏能令駕共臨

次厚時與天嶽上人遊雲間

金谷
世界惟閒樂悠然詩思長自能忘富貴何地可炎涼

海內多名跡人間得草堂山中聊偃息瓢笠傲軒皇

心境閒時曠山房雨後幽雲霞殊晝夜花鳥任春秋

曙戒懷香剎經行引竹樓友朋意氣合千古眼前收

谷
身世輸今古安能眼界空繁華非素志澹薄仰高風

禪悟清言裏塵祛長嘯中憑臨無限意何處得人同

五
巖穴無兵火粗安素志酬茗泉獨寤寐烟月足風流

避暑日

避暑日

避暑日

避暑日

避暑日

鳥倦樓臺靜人雄書卷稠禪機解悟少塵市漫淹留

和韻

松江宋思玉楚鴻

聞說亭臺勝開樽逸興尋凝冰桃李沁障日菱荷陰

嘉客嵇中散高鄰支道林謂天岳上人九峯留片石吳越

各登臨

渡口漁歌起銀河徹夜長捲簾星欲入欹枕夢初涼

經術青藜杖家聲白玉堂縱觀前後漢不必問天皇

西子湖頭月禪房更覺幽十年憐舊雨片語傲陽秋

愧我猶披褐知君正倚樓忽逢腸斷處羸博淚初收

辛丑秋偕亮菴先生寓昭慶末句愴懷永贍

四

春雨移雙屐投閒萬慮空季方稱雅士慧遠振清風

佳句澄江外芳心尺素中草堂懷野老憑眺古今同

五

築室晴川曲雲山夕景酬兼葭舒碧色翡翠戲清流

畫舫賓朋泛瑤牋倡和稠蘭臺香自遠枝葉隔江留

避暑

避暑

避暑

併寄同宗受谷

和韻 出雲山之景 隱兼對 會稽方 炳破虎

孔顏有樂處未許外人尋 鸚鵡催芳草能無惜寸陰
圖書堪作府翰墨可爲林何必濠梁上清流始一臨

春雨二 變氣野園萬意空 李次 謝士 禁 或 或 或 或

鹿鹿舟車客何堪較短長 家庭多著述城市亦清涼
修竹開三徑羣賢聚一堂 有時還閉戶高臥學羲皇

則舟三

文章累葉盛花木一庭幽松檜陰長夏芙蓉媚晚秋

賦詩常刻燭結客共登樓 豪氣今誰似元龍未肯收

四

不須持半偈自覺萬緣空 雖處齊梁季猶餘懷葛風
圖書千古事孝友百年中 樂卻多爲隸傳經孰與同

五

皮陸今何在東南有倡酬 兒童傳筆墨縞紵見風流
品望他年定笙歌此日稠 山中多桂樹莫惜此淹留

和韻

嘉善 陳謀道 心微

南塘饒別業賓客競招尋 苔徑晴還濕松門晝欲陰

班荆思舊雨
面水有長林
江表推文獻
蒸嘗次第臨

二

林木參天起
虹橋映水長
亭開江月皎
幔捲竹風涼
滌暑忘三伏
譚經共一堂
居然塵世外
高枕晤羲皇

三

洵是江村好
閒居事事幽
清波光似縠
濃綠氣如秋
層疊天邊岫
高寒竹裏樓
更憐烟雨際
漁網一時收

四

自得羊求侶
高歌瞰碧空
窓涵清渚月
樓敞暮山風
霽景千家外
雄談五夜中
良友成一契
應識寸心同

五

白雪幽蘭曲
相看詎易酬
吳山新物望
西水舊名流
劍氣雲霄合
星光遠近稠
何當重把袂
泉石恣淹留

和韻

無錫 馬兆良 公看

傳經名別業
黃卷耐幽尋
出郭山連翠
深居樹養陰
避暄投白社
忘暑憇長林
此日休題鳳
誰人慰遠臨

三

綠野延清賞
新篁引步長
草亭方過雨
湘簟自添涼

虎阜生公石峴山逸老堂北窓能一臥彷彿是羲皇

三

解得高深意禽魚各自幽山園方度夏梧井欲迎秋
聊下陳蕃榻遲登庾亮樓夕陽猶在望喜見暮雲收

四

無錫 吳火貝 公徐

榴火烘初夏雲峯幻碧空無冰能卻暑有竹便生風
蟬噪高樓外蓮開古沼中見聞滋雅興觴咏幾人同

五

夏永無多嗜碧筒相勸酬六郎今日侶並蒂古風流

螢火皆時燿蚊雷靜處稠二三知己聚端為賦詩留

和韻

無錫 黃鐘全 聞是

兩過前溪渡揚帆未得尋新荷繁水秀古木覆花陰
堂構藏遺帙烟雲補舊林從今思載酒蕩槩一登臨

二

久被炎蒸苦游絲白晝長清言銷永日縱飲滌空涼
種竹青漪谷疏池綠野堂松梢明月上高臥待東皇

三

湖山當勝處極目與偏幽巨浸涵新黛晴巒帶早秋

傳經堂集 卷八
花間懸片席池上起層樓聚樂忘歸晚餘霞吐未收

四

步屨長林裏春光次第空翠舒三徑雨香散半池風
鐘發隣房遠蟬鳴夕照中人間觸熱者逸事愧難同

五

知己歡咸集蘭亭共唱酬傳經稱博士問字得名流
沁水消煩渴深林映翠稠往來車馬客河上好停留

仁和宋 鈺琦 受谷

園亭風物好結伴復追尋天外晴嵐翠窓前夏木陰

才華高玉樹聲價重雞林薄暮深齋寂琴尊許共臨

二

翠荇牽絲短青蘿引蔓長林深非避客水近自生涼

煮茗尋棋局迎風坐北堂閒居探往史軼事話開皇

三

名祠臨孔道花木半庭幽鳥語朝來靜蟬聲晚帶秋
看雲當竹徑待月過山樓遙睇澄潭下帆檣次第收

四

十日凡三過新詞每不空臨流堪載酒倚樹任嘲風

兄弟機雲匹詩文陶謝中羣公佳句在字字可云同

五

柳陰連屋角鳴鳥自相酬客到兒童識詩成笑語流
斜陽村樹遠夜泊估帆稠惜別歸來晚還看明月留

三

錢唐金張介山

祠堂間十畝坊表起千尋一逕隨河曲頻來趁夕陰
高名垂北斗絕學續東林堪美賢兄弟開尊待客臨

二

喜得林泉勝連朝引興長黃鸝爭囀午綠樹暗生涼

鐘鼓通鄰寺圖書靜講堂蓬瀛咫尺近入海笑秦皇

三

東山久不出丘壑老耽幽謂亮庵先生客散千金盡寒生

一劍秋當年徐孺榻先生設榻以待同人此日庾公樓賸有論

詩興三唐指顧收先生論唐詩甚詳

四

歷落二三子狂歌天地空紅燈欺晦夕綠酒散薰風
只待荷開半還期月望中定當攜枕簟清夢與君同

五

科跣容高卧祠宮寡俗酬一經耽續述二妙擅風流
荷淨冰絲放桐陰王子稠獨慚牛馬走投轄負君留

杭州張吉王士

頻過橋西路幽居不厭尋烟籠千岫碧松偃一庭陰
細雨侵蒼蘚疎燈焰晚林夜闌塵事息新月喜初臨

一論二

伊蒲堪作供野趣興偏長地僻門常掩心清體自涼
忘言時把卷握手共登堂已識塵懷豁何須禮覺皇
是日介山受谷茹齋

關三

褒德傳家遠碑題爲闡幽源流占閤闕激勸寓陽秋
賓客推詞苑文章入選樓二難饒意氣騷雅蚤全收

空言四

偶爾今宵集能令北野空脫巾容漉洒揮塵慣迎風
帆影溪流外漁歌烟靄中更憐明月夜幽賞與誰同

蘇琴五

早開三徑待笑語許相酬小圃翻紅藥迴廊枕碧流
拂雲新竹長聽雨綠蕉稠薄醉松窓下琴書可暫留

杭州沈元琨 瑤銘

橋橫溪上路結伴遠相尋沙淺日初出雲迷晝亦陰
抱琴來曲院刻竹坐長林江左推顏謝風流此日臨

百尺龍門峻君才似子長文章輕得失身世任炎涼
空有騷人意難登作者堂陽春還屬和覓句自旁皇

三

宿雨山含翠凭高景物幽蟬鳴新入夏荷淡漸知秋
閒擬文通賦時登庾亮樓夕陽村樹杪點點賈帆收

四

三世傳經切偏余仰止空撫膺悲碩德懷古挹高風
俎豆蒼烟外碑題落照中所思惟往事兩地寸心同

五

五陵饒逸興易倡覺難酬國重無雙士人爭第一流
歌殘雲影亂棋罷鳥聲稠河朔堪逃暑還期十日留

仁和呂澄 山濶

橋西堪避暑何事阻幽尋欲共求羊輩頻依梧竹陰
墨池摹逸少畫壁想雲林清興渾難遣層臺月又臨

遙羨南皮會閒消夏日長松窓分落翠藤架散微涼
吟嘯開三徑風流儼一堂遺經終不燬空自笑秦皇
栖遲宜此地景物倍清幽密柳圍殘暑疎桐逗早秋
杯傳元亮宅賦就仲宣樓惆悵溪橋外山光一望收
忽見陰晴異浮光黯碧空鴉飛山脚雨蟬咽樹頭風
小閣徘徊裏名園想像中江村長夏好幽事更誰同

五

竹林人尚少金谷句爭酬思共炎雲幻時將大火流
沼荷香正馥沙燕語偏稠乘興還相訪山堂竟日留

仁和邵嘉客荀孟

嗟余疎放久褫襪懶相尋徒慕山堂勝空懷庭樹陰
清風乘雅集白雪動長林一誦驚人句何如此共臨

二

獨坐荒齋裡方憂白日長羣賢當晤對溽暑亦清涼
柳色垂深沼荷香逼草堂應期同讀易相與美羲皇

賢主多瀟洒嘉賓數探幽文成皆通漢詩思已橫秋
偏我無題壁何時共倚樓想當新雨後蕉葉倩君收

四

青風四到莫白雲連吳林一歸驚人曰何賦此共齋

不得紫霞帳炎蒸夜未空神馳桐上月夢到竹間風
好友喧呼外新詩澹蕩中挑燈披卷讀惆悵有誰同

五

相過才里許逸興未能酬高閣當山立長河夾岸流

覆尊松影亂拂戶柳絲稠明月鐘聲夜扁舟向晚留

傳經堂集

燕集詩

寧波 董道權 吳子

西水卓子亮庵祠其先世入齋蓮旬葢淵三先生

于大河之濱顏曰傳經余于丁未夏五登堂瞻拜

亮庵因訂諸同學暨石庵開士燕會咏歌其下書

法閣牙籤念前徽其如在藥欄花圃坐永晝以忘歸

賦文字之飲可勝竹林諸賢風日之佳不數蘭亭三

月爰賦二章以志千載糠粃自慚乎下里珠玉敢

望于同人章以志于難熱出有漸乎千里

相從詞客盡鄒枚永日山堂坐酒杯覓友黃鸝啼樹

去拂簾雛燕試翎回可無詩刻今宵燭蚤有星窺太

史臺聞說遠公初閉影為誰笑過虎谿來謂石庵上人

于二日之萬歲日對聯余于丁未夏正登堂觀

水閣涼生風轉清彈棋說劍總怡情吾徒半入宗雷

社同人持齋居半今日寧修顧俊評七業文章傳五世一樽

朋舊附三明獨憐小友長安遠不共壺觴此會傾謂永

瞻武進孫自式風山

蘭薰雪白話偏長澤國傳經舊艸堂楊柳墻低孤嶺

秀藕花風細絲樽香漫看雲物崇朝換靜對林泉六

月涼盡醉不知明月上諸君誰似嗣宗狂趙吉士

休寧趙吉士天羽

辟疆無數已荒墩小小雲林獨爾存望盡桑田蒼島

出移來竹嶼綠天翻魚蝦遠賈舟中市樓閣新添水

上園文石縱橫吾不拜手家烟井隔仙源

常熟錢敏梅仙

謙集二

傳經生集 卷一
嘉會恰當風雅地臨溪丘壑碧雲深吳山越水同青
眼詩虎文龍盡素心望裏孤帆飛樹杪吟邊幽鳥出
花陰傳經別業靈光在吾道方衰思不禁

長洲高彥炳 其文

偶來停棹得高朋讀遍新詩客思凝擲筆爲慚塵萬
斛放懷還藉酒三升臨池洗盞歡無極倚檻看山別
未能日落夜隨鷗鷺宿綠陰深處有漁燈

和亮菴韻 德清 蔡詒來 友蘇

君家世業有琳琅高館傳經正未央風雨留賓齊下
榻江山歸夢向斜塘參差柳色舒青眼嘹唳鶯聲佐
酒觴此際欲知人近遠溪流時遶讀書堂

和亮菴韻 歸德 崔干城 兔床

氣填湖海臥高樓十岳曾聞更十洲但見東京推太
傅那堪北寺用長秋飲醇家學周公瑾慷慨哀人馬
少游架上遺經門內史腐儒章句日生愁

涇陽王 易 希文

傳經五世見天真堂在丹崖白水濱石鼓湖頭帆影
落玉津園畔鳥聲頻花深絳帳留名士月滿瓊樽有

故人圖書東南都覽徧不須惆悵在風塵

德清 丁元模 韻含

別墅明禋顯懿親遊觀健美豈猶人種蓮不負濂溪
學修竹堪為王子隣遠對青山如螺髻環流碧沼可
垂綸連雲坊表堪千古孝母芳名奕世新

松江 柏 古斯民

荆州願識已多年路遠西谿泛釣船節孝光閭空後
祀文章華國繼前賢青山入座供高詠皓月當軒照
綺筵千古蘭亭君再續我來猶喜得題箋

時同人于
修禊公祀

杭州 徐士俊 野君

君家三世有遺經仰止真如華嶽青祖武繩來皆翰
墨孫謀貽處盡芳馨著書歲月松猶古對客襟懷夢
尚形堪羨後賢能肇祀祠堂表建自亭亭

武康 韋人鳳 六象

浪遊南北昨方歸且傍林園暫息機四代文章人共
仰一尊朋舊老相依低檐風竹翻杯落繞座天花帶

錫飛

石庵上
人在座

回念薊門雙別淚傳經何地倍沾衣

永瞻

偕余北
行未歸

杭州 丁文策 叔範

草堂新築五林東竹塢蓮溪曲徑通疊巘橫開高樹
外遠帆平過亂花中清歌宛約留殘夜小令從容數
落紅坐有江都思藻麗陽春一唱和難工 謂吳子

德清 沈武音 文谷

頻年抱影自堪娛此日逢君興不孤大雅文章誰伯
仲驚人詩句盡璣珠曲欄花木喧黃鳥映水樓臺長
綠蒲欲傍高陽尋醉侶廬山釀得酒清無 時余齋期戒酒與石

庵師 並坐

杭州 張開先 牛紘

水一方遙別結籬峯峯秀出足人怡臨流感賦今猶
昔倚檻談禪偈即詩 謂石公 豈必時從修襖發直將名
與竹林垂揮毫拂素休醉醉歌吹偏能佐一卮

錢塘 張江弘 此韓

路轉林塘杖履幽主人卜築傍溪流遐思先澤留丹
篆想見高松繞玉樓壁護遺經傳大雅枕藏鴻寶重
山丘才名不負南金價黃鶴諸峯一望收

傳經堂集

七言律

祠堂迥立自亭亭
細草新蒲綠滿汀
一代名儒扶大雅
百年榱桷見先型
遠峯黛色當軒出
古柏陰森入座冥
從此蒸嘗應不替
還將祖德薦明馨

高陽 李鳳霽 坦園

桐城 方亨咸 邵村

久知文譽擅詞場
為訪幽居到辟疆
楊柳風前情倍洽
菱荷香裏話偏長
一經玉笈傳書卷
萬軸牙籤擁

筆牀藜火光浮節母傳紫泥早已錫

漢陽熊伯龍 鍾陵

當年綵筆重文通世德傳經更不同閉戶著書當市

隱開襟靜坐托墻東池邊芳草閒雲裏閣外輕帆落

照中勁翮依然六月息披裘猶見古人風

新城韓庭芭 燕翼

相過勝地重淹留曲沼迴廊景色幽河朔風流端有

屬梁園詞賦自難酬且將逸興娛叢桂莫使閒情嘆

白頭永夜高譚忘別去還乘皓月一登樓

亮庵招同 湯潛庵主

司讌集

西泠奇秀特鍾靈磊落縱橫聚德星奕世堂聯忠孝

衍斯文代啓姓名馨貽謀何用三遷里燕翼真堪步

過庭瑞靄常浮雲棟外隔簾猶見兩峯青

新鄉 許作奔 傅巖

芳祠獨俯水泠泠古學淵源萃一庭麟史續來無剩

義南咳補後有全經碧梧高映青藜閣脩竹深圍問

字亭何日片帆重過訪得從堂上仰儀型

傳經堂集 卷一 七律二

泰典季振宐 滄葦

橫塘西去問傳經 一夕琴樽聚德星
黃鳥啼過林樹綠 白雲開盡衆山青
墻東迸笋穿高閣 池畔垂楊覆小亭
最喜文孫能愛客 勸酬安敢獨為醒

宛平方希賢 與士

曾聞教子一經傳 復見新祠倚碧天
西木有四代文章堪不朽 千秋俎豆讓誰賢
南來山色浮簾外 東下河流過檻前
愧我顯揚猶未得 登堂景仰日留連

鄞縣史大成 立庵

卓氏聲名自昔聞 及來祠宇傍河濱
累傳理學欽前哲 此日風流屬似君
偶爾招携傾海內 一時高會動星文
賦成壁上琳瑯滿 好共松楸照夕曛

廬陵張貞生 幹臣

草堂卜築大橋頭 花木陰森足勝遊
三世風流頻仰止 一門詩卷自長留
簾前書帶沿堦長 閣上藜輝入夜浮
聲譽由來傳海內 名駒今復重皇州

宜興周季琬 文夏

西河三世只傳經 還構芳祠傍水汀
先代文章堪繼

跡一堂兄弟自古星相於小閣依青桂靜坐幽亭撫
翠屏幾幅漁帆收夕照愁迴短笛醉中聽祠中有相於閣無事

此靜坐二景

廬陵鄒士弘能弘

鉤党於今促隱淪鷄林蓮社復何論有經遺子黃金

賤借賦依劉白髮新天下士存真學術素心人遠舊

風塵游踪傾蓋倥偬別五岳何年共問津

徽州吳山濤岱觀

易說才名主社壇傳經根據足君看祖孫三世祠無

忝理學千秋事則般江上雲霞新棟宇堂中俎豆舊

衣冠讀書種子流原異不見忠貞氣未寒

崑山徐秉義果亭

臯亭山北雪溪東卓氏祠堂翠靄中三世詩書存絕

學百年俎豆見高風檣帆縹緲通天盡池館參差曲

徑通多少荒涼王謝宅如君堂構有誰同

長洲尤侗展成

茗溪東去武林西卓氏祠堂俯大堤三葉衣冠秋化

鶴一門書卷夜燃藜人歸谷口樵歌答客到玄亭帆

影齊最是携尊吟眺處相於閣上看前題

晉書東志短林西岸只臨堂大興化李亦柵木庵

長虹垂岸鏡浮天結構歸然峙水邊學富子雲羅舊

典才雄賈傅憶當年吳中第宅推華胄解內衣冠頌

象賢知有先人題額在異時瞻拜重留連

吳江沈詩虬次雪

奕世傳經世所稀况兼節孝著庭幃先年俎豆由來

重後代表剋又接輝一水微波縈晚岸兩峯遠翠落

晴扉布帆祠下常留憇欲訪文孫興已飛

歸安吳景旭仁山

忠貞氣節久常新獨抱遺經次序陳石室奇書偏得

遇鯉庭家學自相親山圍几席明如繡樹倚園亭老

作鱗此地精靈傳再世還知世世有傳人

平湖陸菜義山

茗水遠從天目下芳塘祠宇望高標當年壇坫推牛

耳奕世才華屬鳳毛鄉比鄭公應並重經傳韋氏許

同褒由來祖德詩堪述仰止風流在九臯

錢塘汪鶴孫梅坡

西水河汾道自同忠貞世澤仰高風人倫冰鑑李元
禮天下通經戴侍中隋苾相逢詢舊學石渠待校立
殊功裔孫講肄叨同席謂承瞻次厚還勸流傳為發蒙

揚州韓日起 碧滄

祠下曾來繫短航碧梧翠竹鬱蒼蒼藏書獨富千秋
業味道還窺數仞墻五世綸恩皆赤紱百年垂訓有
青箱幸從世誼親函丈水木淵源澤未央

揚州韓焯 超韓

雪溪溪畔秀凝芝爭羨先生忠孝祠劍履衣冠堪仰
止山川雲樹動遐思可無堂構垂家訓賴有經傳紹
祖貽簫鼓謾誇湖上月陸坟伍廟共相持

太倉顧湄 伊人

德門世澤擅芬芳爭說橋西舊艸堂何氏當年推學
海曹家今日有書倉窮經力紹縹緗業靖難忠垂俎
豆光仰止風流殊未改停橈一為弔斜陽

秀水陳夔 堯夫

素書一束昔寒溫二十年來話華門許郭品題前輩
少應劉屈指幾人存桐焦知已驚餘鬢瓠落看余笑

七律六

大樽三世傳經猶席帽石渠同異果誰論

吳江朱虹直初

君子堂開杜若汀衣冠肅穆正揚靈述來祖德垂三
葉留取家風在一經遠近雲山當案碧參差竹樹入
簾青侍中重席休驚詫欲識淵源向此聽

繁昌丁德明在三

六經遺義本昭然漢代名儒落解詮人在空山生白
髮家留故物只青氈琴書樂志操觚日風雨趨庭授
簡年幾欲溯洄瞻肯構野花籬外夢溪烟

吳江潘耒次耕

忠烈吾欽卓侍郎曾於史牒闡幽光孫枝一髮延宗
祏故里雙溪帶草堂篋古圖書餘綠字樓高奎壁有
寒叕鹿皮居士蕭閑甚手注叅同懶下床兼贈亮庵先生

德州李濤述修

遲日扁舟艤水濱他鄉何幸遇伊人一門大節垂青
史四世高文動未紫宸遁跡山中車轍少結廬湖畔
柳烟新擁爐酌酒情何限忘却今宵是客身亮庵先生留飲
草堂

烏程 唐彥暉 朗思

松竹交加名士家烏衣王謝足徵誇漢廷異政流方

遠遜國忠貞澤未賒三世典型傳奕葉千年瓜瓞慶

駟驂慚余潦倒窮途日仰止高風痛自嗟

泰州 陸 舜 吳州

越王城北聚奎星路出塘西水有靈談易尚存臯比

坐問奇還過子雲亭百年文獻傳先蹟十里湖山送

遠青何日父書觀手澤傳經堂上讀傳經

青浦 陸祖修 孝武

傳經自昔稱韋氏媲美于今卓氏賢前輩聲華尊月

旦儒家名行薄神仙春風玉樹開三徑午夜珠盤走

百篇一上相於高閣望兩峯直與九峯連

兼贈亮庵 年伯 宜興 吳貞度 靜安

湖舫同遊醉夕醺別來歲久倍思君才名到處逢迎

滿經學傳家講肄勤高卧草堂辭紫綬挺生玉樹拂

青雲慚予息影荆溪畔遙望塘西瑞氣氤

兼贈亮庵 年兄 常州 莊朝生 靜庵

世德由來詒燕新條風獻瑞奏華辰千年理學高班

馬一代絲綸屬鳳麟綵錦共誇班舞日瓊漿還挹綺
筵春冠裳奕奕羣賢集好紀嶙峋唱和頻

平湖陸光旭 崔田

鳳臺霜露美遺羨荻訓名揚玉籙成江左風流推北
部漢庭文采重西京書窮宛委藜光竝花夾清溪珠
樹盈自是聚星煩史奏雀雙春斗燦長庚

兼贈亮庵蘇州繆錦宣 鈞聞

奕葉傳經世澤留琴尊憶共紀羣遊俊厨風義歸時
論京洛才華說勝遊蘭佩荷衣三徑侶筆床茶椀五

湖舟何當訪戴橋西去指點雲山共倚樓

宜典徐階鳳 竹逸

奕葉相傳非一經母儀入奉勝趨庭門因孝友稱通
德人以詩文比景星房杜結交存古道陶劉高跡得
長惺回思少壯同蘭譜勸飲花前莫獨醒

兼贈亮庵常熟孫 賜 赤崖

湖上青山處士廬蕭然華髮傲居諸夢迴釣艇收緝
後賦就玄亭屬草餘爭席年來歡野老開軒膝下耀
華裾丈人莫漫誇肥遯自昔才名重石渠

石門顧 鐔 詩城

英標蓋世致翩翩遊戲人間是列仙一代龍門清望

重千秋斗極盛名傳笑顏每帶烟霞色竹笈猶存風

俗篇自有鴻文頒十賚啣來青鳥墨痕鮮兼贈亮庵年伯

蘇州金大成 允展

太傅門高世里長儼然特立鄭公鄉問奇客載玄亭

酒拜母春暉綵服堂文憶早年曾授錦書傳奕代獨

留香承明已下求賢 詔遽返匡廬攬薜裳亮庵先生矢志

杜門奉母課子

錢塘 沈峻曾 開先

君家堂構一傳經五世珠連若五星註易庭生書帶

艸問奇人入子雲亭漆編未燬秦宮火篆隸猶瞻漢

石青萬卷樓前高士隱橋西春水聚滄溟

吳縣 顧丁璪 湘佩

簪纓奕葉步金閨世德堂開芳草畦 紫誥旌門傳

薊北綠陰擁墅古塘西花飛越樹鶯聲細雲起吳山

鶴翅低有客携樽頻問字風光絕勝武陵谿

餘杭 王紹貞 子箕

傳經堂集 卷二 七律

相於閣上華如椽應見芬芳俎豆傳經學得人昭日月忠貞貽穀壯山川賢豪往往趨爭後雲物時時護更先莫謂斯堂高浙水此中靈爽欲通天

香齋奕葉世金蘭世濟堂開衣草

餘杭王路又韓

傳經重憶授經人堂構宮墻並一新世業久延惟節義文章不朽是明禋墨莊共訝藏玄豹筆塚還看產玉麟此日青箱殊自愧從君几上拂輕塵

探案堂集一尊餘世世和風

太倉許旭九日

傳經堂上人如玉三世相承禮數崇陸氏功勳推上將王家門第羨司空千秋風義欣還在一代才名見特隆遙想革除天下事方黃遺恨此安窮

太倉張為光

觀文

茗水高門厚澤長塘西重見鄭公鄉忠貞世表三賢傳卷帙常看二酉藏謝氏子孫瓊作樹杜陵人物草為堂窮經正復尊家學奕葉風流翰墨香

建德王爾綱

紹李

漢家褒德首封侯儒術原推第一流屢有高賢繩往躅可無華構示千秋清涼山下遺編在六一泉邊載

傳經室集 卷二
籍稱自爲先儒傳令緒非徒聲氣重滄洲

貴池郎 趙客

書自餘香德自馨一堂三代此傳經編摩高揭中天
日翰墨遙瞻處士星榮世文章標幟赤承家歲月擁
瓊青寰區不少擔簦客都溯淵源傍水汀

烏程 徐汝嶧 泗瞻

聞道傳經卓氏居南皮冠蓋日停車不將門第誇江
左自有文章煥德閭曲折溪橋藏洞壑蕭疎花木映
圖書頻年悵望楊雄宅擬學候芭媿不如
古松杉垂蔭鼎彝尊輪帆棲水頻占斗歌頌南山自
挹芬愧我海濱洄溯隔越中攜手夜鐘聞

山陰 徐允定 克家

天邊鴻鴈喜將迎握手相看白髮生廿載風塵虛縞
紵數椽堂構滿琴箏遺經自識帝賢後淳孝爭誇永
叔名西望橫塘秋色裏何時一棹更班荆

山陰 吳棠楨 伯懋

吳山影接越江青百里烟霞隔杳冥載酒頻思來問
字登堂未得到傳經才華奕葉留年表忠節前朝重

傳經堂集 卷一
歲星稍待春風開凍雪驛梅香裏一揚舲

慈谿 馮佩實 持菴

萬軸遺經發古香文孫愾慕動羹墻生徒競入華陰

市祖德重窺星聚堂自有微言堪占席不須門戶漫

推張當年稽呂情何厚復喜嚶鳴鏡水傍

交燕市余于越州 復得傾蓋次厚

山陰 王介倩 曼仙

共道南陽卓子康通儒世業隱餘杭遙知卜宅同元

亮况復傳家有季方叢桂南山花覆屋清樽北海客

登堂十年寤寐頻來往江水何曾去渺茫

會稽 孟士楷 孔木

野塘秋水遶枌榆忠節傳家卓氏廬五世文章推獨

步一庭師友足相於橋西草帶知行乘閣外松鱗憶

著書纔慰懷思期後晤定容問字子雲居

石門 張元樞 建侯

先哲祠堂西水湄到來瞻拜起遐思學追關閩真儒

術世篤忠貞洵我師小閣梅香帶冰雪寒潭日影動

采愚絳紗幸得親提命私淑何緣遂所私

向執經亮 菴夫子之

門
...

...

...

...

...

...

...

...



程